

乾隆烏程縣志

程縣志卷之五

名宦

親民之官莫近於令長所云一夫得情千室鳴呼  
基實由於此司馬子長作循吏傳史家因之志乘為  
之遺竊取斯義用紀名宦舊矣烏程地大政煩古稱  
前賢臨宰績用章章采綴殊尤可以為方來者勸志名宦

第十三

漢

嚴訢字少通治嚴氏春秋馮君章句守烏程長舉廉遷東牟侯相

典牧十城所在若神

續續

案訢不見史傳政和元年中下邳縣民耕地得碑云云亦不詳  
何許人但云和平元年遇災顯顯知卒於桓帝時金石  
錄東牟侯相下有下邳視長四字考都國志下邳國有下  
邳縣無視縣洪景伯曰益缺一其下邳本屬東海東海  
有視其疑此邑嘗割隸又曰兩漢傳春  
秋嚴氏學無姓馮者蓋史之闕文也

吳

駱統字公緒會稽烏傷人孫權領會稽太守統年二十試爲烏程相民戶過萬咸歎其惠理權嘉之召爲功曹行騎都尉黃武初封新陽亭侯爲濡須督七年卒

三國志本傳

晉

王偉之瑯邪臨沂人爲烏程令清介特甚書籍之外無長物子韶之後爲吳興太守

湖錄

南北朝

江秉之字元叔濟陽考城人少帝時爲尚書都官郎出爲烏程令以善政著名東土徵建康令出爲山陰令遷新安太守元嘉十二年轉臨海並以簡約稱所得祿秩悉散親故十七年卒

宋書良史

• 傳

劉秀之字道實東莞人穆之從兄子除平北參軍山爲烏程令

著能名後以起義功封康樂縣侯大明五年爲雍州刺史八年卒贈司空上以其涖官清潔家無餘財賜錢二十萬布三百疋

宋書本傳

張岱字景山吳郡吳人尚書水部郎出補東遷令時殷冲爲吳興謂人曰張東遷親貧須養所以栖遲下邑然名器方顯終當大至宋泰始末爲吳興太守齊世祖卽位復以爲吳興太守晚節更以寬恕著名卒官

南齊書本傳

虞玩之字茂昭會稽餘姚人仕宋爲烏程令路太后外親朱仁彌犯罪依法按之太后怨訴孝武免官齊高帝叅政遷黃門郎永明初告歸數年卒

南史本傳

沈憲字彥璋吳興武康人州辟主簿宋明帝時補烏程令甚著政績太守褚淵歎曰此人方圓可施齊永明八年爲輔國將軍卒當世稱爲良吏

南齊書良吏傳

孔琇之會稽山陰人舉孝廉除尚書三公郎出爲烏程令有吏能

累遷監吳興郡尋拜太守治尚清嚴隆昌元年卒

同上

褚濬字上洋河南陽翟人仕梁歷烏程令兄游亡棄縣還爲令清

慎可紀

南史本傳

傅映字徽遠北地靈州人天監初除烏程令所受俸祿悉歸於兄

昭累遷光祿卿卒

梁書本傳

### 唐

韋承慶字延休鄭州陽武人舉進士累遷太子司議郎出爲烏程

令治化大行累遷鳳閣舍人三掌天官選事中宗特授黃門侍

郎未拜而卒贈祕書監諡曰溫

舊唐書本傳

西吳里謚民爲刻石  
承慶號韋公善政碑

蘇頲字廷碩武功人舉進士調烏程尉武后封嵩高舉賢良方正

異等除左司禦率府曹參軍開元中歷中書侍郎封許國公

光同不章事卒贈右丞相諡文憲

同上

（胡）諡顯為烏程尉上巳節郡東南湖有角鰲之戲守令俱出  
（魏）顯乘小舟往來檢取竟溺焉送歸空中言無損蘇公忽雨

其舟

吳興道開元中為烏程令重開荻塘

吳興統紀

之清皇家子清簡仁惠鳴琴二歲流庸復者六百餘室廢田墾者

二百頃浮客臻涉遠乎二千種桑畜養溢乎數萬當受代邑人

白府請留優詔旌美

別各公文集

唐詩紀事字士澄天寶  
十二年進士宰烏程

李晤趙郡人歷烏程令為於家行飾以吏事動有常度居無惰容

所蒞之所有善政歸滿之日多遺愛子紳

長慶集

周生中和初宰邑潛薄自得以靜理聞癸丑復宰烏程吏民忻忻

事簡庭閒家於陽羨以明經舉善為政人安俗阜無媿令長

東亭記

宋

錢顗字安道無錫人知烏程縣以治行聞治平末爲侍御史裏行論王安石遠竄蘇軾遺以詩有烏府先生鐵作肝之句世因目爲鐵肝御史

宋史本傳

林大中字和叔永康人紹興三十年進士調烏程主簿貧甚俸薄郡將月有餽卒謝之以薦擢御史在臺省四年敢言稱職歷官

簽書樞密院事嘉定改元六月薨贈資政殿學士諡正惠

後改集

余端禮字處恭龍游人第進士知烏程縣民間賦丁絹錢率三氓

出一縑不輸絹而折其估一縑千錢後增至五千民不勝病端

禮以告於府事得上聞又自詣中書陳便宜歲蠲緡錢六萬後

以薦爲監察御史寧宗朝以左丞相判潭州薨封鄒國公贈太

傅諡忠肅

宋史本傳

高子潤字畢老崇城人主烏程縣簿疏三十二濇建於太湖復

宋舊迹仕至太宗丞兼權度支郎官卒葬武康上柏山

葉永心集

趙彥衡字景安紹熙間宰烏程有能名歷通判徽州有雲麓漫鈔

二十卷續鈔二卷

蕭傳解題

應條字自得昌國人紹熙四年進士調烏程尉議毀淫祠獨存徐

孺子廟隣邑沈氏兄弟訟財郡檄條按實適沈有子魁鄉為因

賦詩傲之有云嘉木灌叢春意好可憐不種紫荊花之句兄弟

感悟爭遂息官至文林郎

兩浙名賢錄

呂午字伯可歙縣人嘉定四年進士授烏程主簿郡守置之幕下

事一決於午守張忠恕薦午尤力時忠恕母就養時時躬至簿

廳迎午二親入郡與午皆衣綵衣奉觴上壽邦人榮之調當塗

縣丞官至中奉大夫卒贈文華閣學士

宋史本傳

元

于文傳字詩道平江人延祐二年乙科授烏程縣尹富民張甲妻



王無子張納妾於外生子未晬王誘妾以兒來尋逐妾殺兒焚  
之文傳聞而發其事得死兒餘骨王厚誘妾之父母買隣家兒  
爲妾所生兒初不死文傳令妾抱兒乳之兒啼不就乳妾之父  
母吐質乃呼隣婦至兒見之躍入其懷乳之卽飲王遂伏辜韓  
鏞時僉浙西廉訪司事作烏程謠以紀其績至正三年召修宋  
史書成進集賢特制以禮部尙書致仕卒

元史本傳

案勞志引蘇州府志以文傳如妻殺子獄乃在知縣  
源州時遂刪去之此說恐未確自當以正史爲主

王伯顏字伯敬濱州霑化人胡廣辟知印調湖之烏程縣以治最  
聞陞信州推官至正九年尹福寧政化大行十二年春寇逼州  
境力戰被執遂遇害

王忠文公集

宋文懿字德潛真定人元統中爲烏程縣丞縣故無學附於郡庠  
文懿因鼎建廟學行釋奠禮嘗山行田里見青塘穴隄水決人  
病於徒涉沿隄田亦成沮洳文懿乃首捐已資畚土輦石民皆

築從堤成復建橋梁以通水道自此沿堤之田歲歲有收玄銘  
起身憲府熟知治道恕以臨民寬以使衆故能理劇邑以治最

稱乾隆湖州府志

潘著字澤民嘉興人調烏程學諭始學田不滿百而營士不給乃  
率好義者益買田二百畝建尊經閣大作興之

崇正烏程縣志

明

危止字公定江西人讀書好義明初獻策隸常遇春麾下丙午明  
兵下湖州以止知烏程公勤愛民尋遷去歷中書省右司郎中

乾隆湖州府志

王福洪武十年烏程上簿沿沿湖溪港以泄天目之水民稱其便

同上

翁經字載道四川瀘州人景泰五年進士天順元年至任其政循  
循抑豪奢厚風俗陞鴻臚寺丞祀名宦

崇正烏程縣志

葉永秀字汝質廣東東莞人宏治三年進士知烏程縣清慎有幹力鋤豪猾值水患饑饉相繼爲濬流港行賑恤民蒙其惠六年召爲監察御史陝西副使卒於官

乾隆湖州府志

戴嘉猷字獻之號前峯績溪人嘉靖五年進士八年至任廉敏端毅侵凌善柔者必罰豪右不得逞兇詭戶規避者靡縱驅縑流歸農廩庾傾圮閏五月堅完立義塚置義田募民耕穫峙穀粟以脩歲餼厚學校以興士徵爲給事中祀名宦

崇正烏程縣志

錢學字汝明常熟人正德丙子舉人嘉靖十二年至任勵精教養學校倉庾橋梁之類百廢具舉築修邑乘百年奉爲文獻後陞

刑部主事祀名宦

同上

馬鍾英字君儲順德人嘉靖辛丑進士本年至任先是邑居衝要民苦供辦特酌量公費凡一切不急之務皆罷之陞刑部主事

同上

朱曰藩字子价號射陂南直寶應人嘉靖二十三年進士次年  
烏程性耽風雅政尚簡靜久之廨前酒肆一空至編審里役謂  
小民十年與廢所關日夜畱心人呼其父母時寓公劉麟結社  
峴山曰藩往從之遊幅巾布衣壺觴嘯詠人不知其爲邑宰也  
陞刑部主事歷九江知府卒於官囊無餘貲

乾隆湖州府志

張冕字章甫晉江人嘉靖二十三年進士三十二年知烏程銳意  
節省通潁縣糧分爲十二段以供一年之役癸丑倭奴煽亂時  
浙西未擾冕創築河源門甕城培土甃石加高厚乙卯夏寇入  
內地冕親率操壯防禦倭不敢薄城下秋大旱朝夕步禱獲有  
秋又能以佚道使民官牆壇祠公廨以次修建

同上

荆文照字叔翰南直丹陽人嘉靖三十八年進士知烏程興學所  
行生徒多從外郡來民間婚喪不能舉者獨資給之一切煩劇  
應手輒辦旁邑事亦就理焉三年陞戶部主事以在烏程好擊

傷大姓豪右多不堪乃以他事報罷將笑曰爲百姓受怨固當遠歸卒於家

崇正烏程縣志

李榕字孟栗豐城人嘉靖四十一年進士知烏程值倭警後公私俱困民苦徵發榕至而拊循之始得蘇息邑賦繁重又土宜桑歲輸絲民例出值以授賦長賦長橫索視市價累數倍榕令民以金代絲每兩三分有奇與市值等邑西北山鄉爲多其編役以三當田之一榕更議當以六卽以兩事上請當道報可傳檄旁邑各著爲例民甚稱便遇人命不輕檢驗先拘兩造鞠審事屬可處委曲俯就若深仇大怨必欲抵命不得已然後檢驗嘗謂檢屍與凌遲無異上千天和慎弗輕忽至於破家蕩產又是第二件事時以爲名言陞工部主事去士民感其德立去思碑

乾隆湖州府志

趙煥字文光號吉亭掖縣人嘉靖乙丑進士次年任英才敏練判

典風生衛次不能舒手訟堂可羅烏雀而門外寂然編里遞充糧長貧富適均羨餘贖緩毫不濡染三載主持精明徹底陞工部主事隨改監察御史至吏部尙書祀名宦

崇仁烏程縣志

徐廷忠鄱陽人嘉靖中爲縣丞一莖不染出入敝衣敝蓋室人交謫之笑曰詰朝當有餽餽至庭姑待之屆期則歸安尉以墨懼法上官以其廉明檄鞠治尉伏堦下時以爲美談薦陞知縣去同上

賀淮字東卿南直丹陽人萬曆三年爲縣丞廉介自持闕地種蔬自給米菽俱取之於家不以涖民間也疏水利均兌運井有條理暇則與文士講論經義生徒滿座攝孝豐篆尤多惠政士民奔訴兩案乞除本邑令格例不行三年告病去泣涕攀轅者幾萬人羣稱賀太平歸卒於家

乾隆湖州府志

龔隱光澤人烏程縣丞以親老告歸邑民送之云烏程送得清官

去光澤迎將孝子回

八閩通志

羅用敬字子直號文洲南昌人萬歷丁丑進士次年任張江陵丈量之役遠近騷然獨行之以寬暇則課士論文尤復屈已下賢有古循吏風陞刑部主事

崇正烏程縣志

楊應聘字志尹懷遠人萬歷十一年進士本年知烏程緩催徵平冤滯興隄防清浮田勤荒政不阿上官不假貴要懲惡察奸邑中惡少斂跡丁亥大水主計者謂東南素饒卽歉歲可強辦諸所徵發悉如例應聘曰民久怙而驟災趣之徒斃杖下乃深計曲算節靡益縮事集而民忘其災是年遷兵部主事歷陞本部侍郎卒

乾隆湖州府志

袁光字字元謙常熟人萬歷丙戌進士初令孝感十七年調烏程適歲旱步禱不忍誅求上供不及額郡檄數下不爲動作再尋處之恬然編笥不輟一人潛兌不增一粟陞工部主事

崇正烏程縣志

孫應鶴字夢得號鳴臯進賢人萬歷壬辰進士二十三年任政尙

寬平竟日與諸生談道課藝而事無不理陞工部主事

同上

陳紅正字敷奎號端瀛晉江人萬歷辛丑進士初令開化三十三年調任寬仁坦率大修學宮作興文教試士歲拔皆名士時有弁山開鑛之役善遇中使得停止萬民蒙安陞戶部主事

祠

在本縣南倉左

同上

曾紹芳字世德號蘭若永興人萬歷丁未進士次年任爲政務持大體戊申水荒竭力賑濟至今百姓稱之

同上

徐遵宗字務滋號念生福建龍溪人萬歷三十八年進士次年任

政尙平恕調博野縣

乾隆河州府志

曾國正字德符號有菴臨川人萬歷丙辰進士次年任長才朗識事多立剖辛酉編審善用均田之法胥吏不及那移當堂公舉領議隨酌隨發萬情允服後歷太僕少卿

崇正烏程縣志



葉時敏字志卿號修自福建長樂舉人萬歷中兩任烏程歸安教諭清修自勵時有一二受餽者文不如律學使督過時敏以身爭之竟得白邑令憐其清苦以罰鍰至力却之束修之入量給貧生或捐之以葺學牆整遺書樂器遷知程鄉縣去士子爲立去思碑仕終山東運同

乾隆湖州府志

馬思理字達生號遷初福建長樂人天啓二年進士本年知烏程下車卽與民約催科給單遞比讞訟原告行拘不縱胥役滋擾鄉村每朔望躬詣鄉約所宣上諭示勸懲倡清遠社拔士如凌義渠溫璜所最弊新營葺橋梁修邑志百廢具舉海陸四荒拮据施賑重以國課程督甘停俸不忍敲朴小民六年無甞不問無功不僭人謂其有治縣諸焉名拜給事中士民建祠尸祝鼎革時以禮部殉難閩中

同上

王夢龍字兆隆號方輪常熟人崇正辛未進士本年任甌江清方

多民如子人命不輕檢盜案不聽禁官地最近親識無一人至者乙亥忤直指意去任城中罷市鄉民泣送百里後起復歷保定知府卒

康熙烏程縣志

劉沂春字泗哲號魯庵長樂人崇正甲戌進士次年任力請督學廣科舉額至二十六名童子應試額亦增其一後俱爲內艮歸後陞南工部主事

同上

劉永豐字宜日上海人任縣丞值淫澇田園衝圯冒雨出勘率圩長修築隨寓賑恤陞衛幕去

同上

丁文炳字質夫貴州平塘人以明經授縣丞適歲澇躬履阡陌障圩岸撤督餉令水勢易洩禁漁船往來當道嘉其用心稱爲儒吏陞衛幕去

同上

本朝

劉璽字爾符陝西朝邑人順治丁亥進士本年知烏程時當開國

兵寇甫息撫字爲難璽律已清嚴理煩治劇百務就緒尤作興士類每歲莫量給貧士有差士民感德因除盜忤上官鰲秩復以逋賦羈留荅上七年工書法畱題殆徧著有仕餘小草後補四川憲幕卒於家

乾隆湖州府志

韓禹甸字奕卿北通州人順治十二年知烏程痛革漕糧積弊時頻興大獄婦女幼穉多繫獄者禹甸對之輒流涕前令劉璽虧空萬餘金爲開除補劑劉始得歸而禹甸絕無德色時太守張繼孔清靜定一甚得民和與禹甸同事一載人稱張老佛韓菩薩卒以籍沒案內事議降調仕湖二年著有荅川遊記南遊小草歸卒

同上

董光裕字馨久奉天人康熙十一年知烏程值水旱頻仍民艱食上請蠲賑全活甚衆十三年荏苒四起事敗鄉民多牽累者訊其實盡釋之時軍需旁午憲檄守催逋賦旦夕下但諭閭閻急

公終不施鞭朴潛截減耗贈止收色銀百姓歡呼十四年以舊  
項未完落職候代於外人爭餽食或頌其堂曰猶猶去之日拈  
香哭送者數萬人

同上

高必騰字鳳翥奉天遼陽人廕生康熙十四年任縣訟明允下河  
干謁辛酉編審釐剔積弊官民一則貧富均徭是歲冬以  
般未回部議僱船運糧至淮簽里押解人情驚惶力請免文  
廟圯捐俸鼎建募修邑乘宰枯九載擢守新寧去之日士民遮  
留者填塞街巷

康熙烏程縣志

人物

樂全先生有言吳興山水發秀自江左而後清流美士餘風遺韻相續迄今訪國美於舊史考方載於往牒其上者固已彪絕煥炳在人耳目間而次亦束脩茂學爲州里所歸慕若夫藝能之末精詣通神其名亦不可磨滅是以卒連得書志人物第十四

漢

邱騰光武初起禮於南陽歷公卿二千石累遷大司馬卒葬烏程王倫注系

案騰爲時後子詳前賢

費汎字仲慮其先避地於此遂家焉察孝廉除郎中屯騎司馬遷蕭令視民如子先教後罰在位九年姦宄不發蝗不入界朝廷嘉諸拜梁相被病遜位春秋八十卒二子鳳由宰府至堂邑令

政九江太守孫玢

諫釋

費鳳字伯簫漢安二年吳郡太守舉孝廉拜郎中除陳國新平長  
神化風靡丹陽有越寇討理之守故鄣長宰堂邑期月致道同  
沈鄆爲零陵太守慎刑重殺愛民養化罪法辭訟初不歷獄嫌疑  
不決一斷於口鞭杖不舉市無刑戮僚友有過初不暴揚有奇  
謀異略輒爲談述曰太守不及也到官一年甘露降山林瑞芝  
生於堂下

東觀漢記

宋書沈戎子鄆字聖通第二子許少子景

沈景順帝時侍御史有強能稱擢爲河間王相到國謂王王不正  
服箕踞殿上侍郎贊拜景不爲禮問王所在虎賁曰是非王耶  
景曰王不服常人何別今相謁王豈謂無禮者耶王慙而更服  
景然後拜出請王傳責之曰前發京師陛見受詔以王不恭使  
相檢督諸君空受魯祿而無訓導之義因捕諸奸人上按其罪

出寬獄百餘人王遂為改節自修

後漢書河間王傳

沈儼字仲則少有至行兄瑜十歲儀九歲父亡居喪毀瘠過於  
人外祖會稽盛孝章撫慰之曰汝並黃中沖爽終成奇器何為  
離制自取殄滅耶瑜早卒儼篤學有雅才時海內大亂經術道  
弛士少全行儼獨守道不移風操貞整州郡交辟公車徵並不  
屈以壽終

宋書叙傳

案宋書沈約自叙先世云徒居烏程餘不錄其地乃今之  
武康也故沈氏世為武康人然宋以前烏程未分凡史傳  
所云烏程人未之知也今之他處漢時武康即烏程地故仍  
舊志載沈氏為武康人以後世科武康凡沈氏在武康者不  
復載又案沈為  
鄧景從曾孫

吳

吾粲字孔休吳郡烏程人孫河為縣長粲為小吏河深奇之後為  
將軍表粲為曲阿丞遷為長史治有名迹與同郡陸遜等齊譽  
孫權名為主簿出為山陰縣令還為參軍校尉黃武元年與呂

範賀齊等以舟師拒魏將曹休於洞口值天雨大風諸船纒斷漂沒水中生人皆攀緣號呼他吏士恐船傾沒皆以戈矛撞擊不受棹獨令船人承取之左右以爲船重必敗棹曰船敗當俱死耳人第奈何棄之所活者百餘人遷會稽太守與呂岱討平山越入爲屯騎校尉少府遷太子太傅遭二宮之變抗言執正明嫡庶之分欲使魯王霸出駐夏口遭楊竺不得令在都邑又數以消息語陸遜遜時駐武昌連表諫爭由此爲霸竺等所譖害下獄誅

三國志本傳

徐詳字子明吳郡烏程人數通使命孫權爲車騎將軍與是歲討綜俱典軍國密事親拜權爲吳王封詳爲參政黃武八年權在尊號拜侍中進封鄉侯兼左右領軍

三國志本傳

晉

王談吳興烏程人年十歲父爲隣人竇慶所殺談陰有復讐志而



性為度所疑寸刃不蓄日夜伺度未得至年十八乃密市利劍  
陽若耕鋤者度嘗乘船出入經一橋下談伺度行還伏草中度  
既過談於橋上以劍斬之應手而死歸罪有司太守孔巖義其  
孝勇列上宥之巖諸子為孫恩所害談乃移居會稽修巖父子  
墳墓後太守孔慶究其義行元興三年舉為孝廉不應召終於  
家

晉書孝友傳

邵元之吳興東遷人傳五經文記頌歎從之受業

南史頌歎傳

沈恒烏程人居荻塘家貧好學煥荻讀書

太平寰宇記

被禁史記世引  
諸家史記世引

### 南北朝

潘緯吳興烏程人孫恩之亂緯與父驃共走避賊驃年老行遲賊  
轉逼驃困乏坐地緯迎賊叩頭曰父年老乞賜生命賊至驃亦  
請賊曰兒年少自能走今為老子不去老子不惜死乞活此兒

賊因斫縹紵抱父於腹下賊斫縹頭而凡四創當時悶絕一賊  
傍謂曰此兒以死救父何可殺殺孝子不祥賊乃止父子並得  
免鄉人私書監邱繼祖廷尉沈赤黔以縹異行薦補左民令史  
除逐日長歲滿還家太守王韶之臨郡察孝廉及將行設祖道  
贈以四言詩元嘉四年有司奏改其里爲純孝里蠲租布三世  
宋書孝義傳

吳達吳興烏程人經歲飢疾疫父母兄嫂及羣從男女死者十三  
人達時病困隣里以葦蓆裹之埋於村側旣而親屬皆盡唯達  
夫妻獲全家徒壁立冬無被衾晝則傭賃夜則伐木燒塲無有  
解倦達夜行遇虎虎輒下道避之期年成七墓葬十三甯隣里  
嘉其志義葬日悉出赴助達時逆取鄰人夫直葬畢眾悉以施  
之達一無所受皆傭力報焉太守張崇之三加禮命太守王韶  
之罷補功曹史達以門寒固辭不就舉爲孝廉

同上

案連晉齊南  
史皆有傳

王道隆吳興烏程人兄道迄涉學善書吳興太守王詔之謂人曰  
有子弟如王道迄無所少始興王濬以爲世子師以書補中書  
令史道隆亦知書爲主書書吏漸至主書世祖使傳命失旨道  
出不聽復入六門太宗鎮彭城以典籤署內監及卽位爲南臺  
侍御史稍至員外散騎侍郎南蘭陵太守泰始二年兼中書通  
事舍人以破晉陵功增邑百戶并前六百戶五年出侍東宮復  
兼中書通事舍人後廢帝卽位自太子翊軍校尉遷右將軍太  
守兼舍人如故道隆爲太宗所委和謹自保不妄毀傷人執權  
既久家產豐積元徽二年太尉桂陽王休範奄至新亭道隆領  
羽林精兵向朱雀門討賊已至航南道隆召鎮軍將軍劉劭於  
石頭劭至命開航道隆怒目賊至但當急擊寧可開航自弱邪  
劭不敢復言僅劭進戰劭度航便敗賊乘勝逕進道隆棄衆走

向臺所乘馬連聲蹄不肯前遂為賊兵及見殺事平車駕臨哭

贈輔國將軍益州刺史子法貞嗣齊受禪國除

宋書本傳

孫法宗一名宗之父隨孫恩入海遼被害死屍骸不收母兄並餓死法宗年小流迸至十六方得還鄉里身勤苦葬送母兄儉而有禮以父屍不得入海尋求聞世論至親以血脰骨常漬浸乃操刀沿海見枯骸則刻肉灌血十餘年臂脰無完皮血脈枯竭終不能達遂衰經終身嘗居墓所山禽野獸皆悉馴附終身不要饋遺無所受宋孝武初揚州辟為文學從事不就卒

南史孝義傳

邱淵之字思玄吳興烏程人太祖為冠軍將軍徐州刺史淵之為長史太祖卽位以舊恩歷吳郡太守卒於太常追贈光祿大夫

宋書邱淵之傳

邱傑字偉時吳興烏程人十四遭喪以熟菜有味不嘗於口歲餘

忽夢見母曰死止是分別耳何事乃爾卒以訖數生矣

毒靈床前有三丸藥可取服之儼驚起果得甦

下科斗子數升邱氏世寶此甌大明七年災火焚失之

褚慧開字智遠吳興烏程人每以戒行自修拯濟為務宋大明八

年天下饑饉慧開有少穀實乃賑鄉邑賴之有三人積飢食飽

而致死其家訴縣稱慧開飼殺俄人苦相誣謗邑令笑曰乞食

飽死反怨主人法無此科遣而不問

邱寂之字德元吳興烏程人年十七為州西曹兼直主簿刺史王

或行夜還前驅已至寂之不肯開門曰不奉恩旨或方於車中

為教然後開或歎曰不意邵君章近在閣下即轉為主簿遷故

鄣令以廉潔御下

陸琳東遷人九徵不起謚高蹈先生

邱冠先字道元吳興烏程人少有節義齊永明中位給事中時求

卷之五 人物

使蠕蠕國尙書令王儉言冠先雖名位未升而義行甚重若爲行人則蘓武鄭衆之流也於是使蠕蠕蠕蠕逼令拜冠先執節不從以刃臨之冠先日能殺我者蠕蠕也不能以天子使拜我秋者我也遂見殺武帝以冠先不辱命賜其子雄錢一萬布三十疋雄不受詣闕上書曰臣父執節如蘓武守死如谷吉不書之良史甄之褒策萬代之後誰死社稷乞申哀贈書奏不省史

孝義傳

邱靈鞠吳興烏程人祖系秘書監靈鞠少好學善屬文州辟從事舉秀才累遷員外郎宋孝武殷貴妃亡靈鞠獻挽歌三首云雲橫廣階聞霜深高殿寒帝摘句嗟賞出爲烏程令不得志素始初坐黨錮數年褚淵爲吳興太守謂人曰此郡才士惟有邱靈鞠及沈勃耳乃赦申之明帝使著大駕南計記論久之除太尉參軍昇明中遷正員郎領本郡中正時方禪讓太祖使靈鞠參

詔策建元元年轉中書郎初知東宮手筆尋又掌知國史

祖卽位領東觀祭酒在沈淵坐見王儉詩淵曰王令文章大世

靈鞠曰何如我未進時靈鞠宋時文名甚盛入齊頗減位長沙

王車騎長史卒子遲南齊書宋傳

南史文學傳靈鞠父遲其義軍長史

邱遲字希範八歲便屬文父靈鞠嘗謂氣骨似我黃門郎謝超宗

徵士何點並見而異之舉秀才累遷殿中郎高祖平京邑引爲

驃騎主簿其被禮遇及踐阼遷中書侍郎領吳興邑中正待詔

文德殿時高祖著連珠詔羣臣繼作者數十人遲文最美天監

四年中軍將軍臨川王宏北伐遲爲諮議參軍領記室時陳伯

之在北與魏軍來拒遲以書喻之伯之遂降還拜中書郎遷司

空從事中郎卒官所著詩賦行於世梁書文學傳

南史文學傳遲辭采麗通時有韓嶠著詩評云范雲婉轉清便如秋風迴雪遲點綴映媚似落花依草其見稱如此

邱仲孚字公信少好學從祖靈鞠皆稱爲千里駒齊永明初爲國子生舉高第末調還鄉里太守徐嗣名補主簿歷揚州從事于湖令有能名太守呂文顯當時倖臣陵詆屬縣仲孚獨不爲屈明帝卽位爲曲阿令會稽太守王敬則反乘朝廷不備反問始至而前鋒已屈曲阿仲孚鑿長岡埭瀆瀆水以阻其路敬則軍至值瀆涸頓兵不得進遂敗仲孚以拒守功遷山陰令居職甚有聲稱百姓謠曰二傳沈劉不如一邱齊末還京師高祖踐阼復爲山陰令仲孚長於繁煩善適權變吏民敬服治爲天下第一累遷豫章內史在郡更屬清節頃之卒贈給事黃門侍郎喪將還豫章者幼號哭攀送車輪不得前

梁書良吏傳

南史文惠太子傳仲孚字公信

齊書中書錄事卿爲

太史叔明吳興烏程人吳太史慈後也少善莊老兼治孝經禮記其三元尤精解每講說聽者常五百餘人歷官國子助教郢陵



王綏好其學及出爲江州掾叔明之鎮王遜郢州又隨府所至  
輒講授江外人士皆傳其學大同十三年卒

梁書儒林傳

胡頴字方秀東遷人偉姿容性寬厚仕梁世武陵國侍郎出番禺  
征討俚洞陳高祖在廣州接遇甚隆高祖克元景仲平蔡路養  
李遷仕頴皆有功高祖進軍頓西昌以頴爲巴邱令鎮大阜督  
糧運下至豫章以頴監豫章郡高祖討侯景以頴知雷府事梁  
承聖初元帝授頴羅州刺史封漢陽縣侯尋除豫章內史隨高  
祖鎮京口齊建武元年建山東關頴大破之尋從高祖襲王僧辯  
又隨周文育討杜龔高祖受禪拜左衛將軍天嘉元年除散騎  
常侍吳興太守卒諡曰壯配享高祖廟廷子六同嗣弟鑠隨頴  
將軍頴卒鑠統其衆歷東海豫章二郡守隨章昭達南平歐陽  
紇爲廣州東江督護還預北伐除歷陽太守卒贈桂州刺史

梁書

傳本

唐

於元損烏程人父母卒廬墓四十年墓側生芝草九莖武后詔旌

其門

西吳里語

沈景筠烏程人母懼雷及卒每雷發奔墓所號哭曰景筠在此賀

知章爲撰孝德傳

同上

沈清烏程人爲婺州刺史大歷中李希烈陷汴州清發兵昇山逐

逆黨至汴口力戰而死

同上

沈嶠烏程人父卒廬墓六年不櫛不沐醢醬不入口哭則嘔血刺

血書經年三十卒

成化湖州府志

梁耿烏程人劉長卿南謫睦州道出吳興與諸名士游衍故有苕

溪酬梁耿別後見寄之什後耿徙隱於黃蘗山樵牧自給累辟

不就

嘉禾吳興志

吳越

沈韜文父攸常州刺史韜文性介潔好學能屬文吳越王時爲元帥府典謁參畫軍務有所裨益官左衛上將軍改湖州刺史甚有清名

十國春秋

沈承祖武肅王辟置幕府署處州刺史鏐子文穆王妻以女除府中右職山爲台州刺史忠獻王時掌親兵忠懿王命知威武軍節度宋師征江南爲兩浙諸軍都鈐轄使率水陸數萬人助平常州因攻潤州城中兵夜出焚外柵諸將皆欲馳救承祖曰兵法擊東南而備西北此之謂也命士皆擐甲蓐食堅壁不動他壘不設備者悉驚擾獨承祖所部敵不敢窺丹陽平從宋師攻金陵時冬至軍中聚飲承祖謂將士曰城中以我節厚必燕享備我息矣宜出不意圖之乃名敢死士千人薄城下陷其東門士多攀壘而登江南遂降錄功授寧海軍節度使太平興國中王獻地徙承祖鎮密州八年卒太宗廢朝二日贈太子太師中

使護葬

同上

宋

張維少年學書貧不能卒業去而躬耕平居好詩以吟詠自娛浮游間里上下谿湖山谷之間遇物發興率然成章不事雕琢而雅意自得徜徉閑肆無求於世年九十一卒子先

齊東野語

張先字子野烏程人天聖八年進士第知吳江縣詩格清麗尤長於樂府有雲破月來花弄影浮萍破處見山影隔牆送過秋千影之句時號為張三影李公擇守吳興招子野輩聚於郡圃為六客之會晚歲優游鄉里常泛舟釣魚為樂仕至都官郎中年八十九卒

咸化湖州府志

書錄解題本朝有兩張先皆字子野一博州人天聖二年進士歐陽公為作墓志一天聖八年進士則皆州人也二人皆進士同而又同時不可不知也宛陵集張先以秘書丞知並州大興縣志吳江有加歸亭康定元年知縣事其書張先始為大之

嘉興志先元

自中判秀州

宋子野子文剛字常勝工安石妹婿也安石為之志墓文詳陸游集卷之四子野孫傳見後

賈收字耘老烏程人以詩著名世其詩多為無念之為作

木怪石書其後以贈云貧士負甚無以慰其意為作古本

怪石一紙每遇飢時輒一開看還飽人否若吳興有好事能為

君月致米三石酒三斗終君之世者當便以贈之不爾可令雙

荷葉掌貯須添丁長以付之也貧士傳

庚溪詩話仁宗初梅堯公儀出守杭州上陽之詩有日地有吳山美東南第一州梅以上詩誦名室士大夫輒題甚眾東坡作

詩為冠吳興學故集跋東坡詩道云吳興風物足慰雅意和人有賈收者有行義極能詩公擇子厚皆

禮興之賦尤與之熟誦公時誦慰其牢落也

林肇字公權烏程人寶元元年進士熙寧三年以尚書屯田員外

郎自請知吳江始至覽江湖之勝緬懷古人慨然動歸思即松

江勝處作鮑鄉亭繪三高像其中既成遂具舟由亭下拂衣歸

松陵文獻

俞汝尚字退翁烏程人議論不苟淡於勢利擢進士涉歷州縣無進取之心知導江縣新繁令卒使者使承其乏將資以公田辭不赴至則悉以周舊令之家王安石當國或言汝尚清望可置之御史名詣京師知所以薦用意力辭得免親故責以不爲子孫地汝尚笑曰是乃所以爲其地也家苦貧又從趙抃於青州以屯田郎中致仕優游數年嘗畧田舍於門妻黃就視之汝尚曰人七十者稀吾與夫人皆過之可以行矣妻應曰我先去後三日卒汝尚庀其喪召諸子告曰吾亦從此逝矣隱几而終相去纔十日孫倅紹興中敷文閣直學士

宋史隱逸傳

陳舜俞字令舉烏程人舉進士又舉制科第一熙寧三年以屯田員外郎知山陰縣青苗法行舜俞不奉令上疏自劾曰官制放錢取息雖分爲夏秋二科而秋放之月與夏斂之期等夏放之月與秋斂之期等不過展轉計息以給爲納使民終身以及世

世每歲兩輸息錢無有窮已是別爲一賦以敝海內非王道之  
舉也奏上謫監南康軍鹽酒稅五年而卒舜俞始嘗棄官歸居  
秀之白牛村自號白牛居士蘇軾稱其學術才能兼百人之器  
宋史本傳

文獻公年命詩書傳於世初從安定胡先生學聖寧  
中六客其一也子孫所宅於烏鎮中都爲會通判壽州

張有字謙中篤志古道傷俗學之混淆爲書一編曰復古考證精  
諸作篆如其行略無艱辛之態惟體脩而未重不入俗目漢宣  
帝時有谷口銅前傳於世次議銅字其體正爾始知謙中之作  
蓋有自來魏字從委從鬼或省山以爲韓魏之魏謙中爲林中  
書篆墓碑終不省去山字古無巷字謙中以爲當作閭而難於  
題扁山谷雖定從草謙中亦不用也嘗篆楊龜山所作題息庵  
記終篇偶無此字碑額雖從廣竟作隸體書之其信古不從俗  
類如此

樓攻愧集

朱承逸烏程人居城東門爲本州孔目嘗五鼓趨郡過駱駝橋聞  
橋下哭聲甚哀乃有人爲勢家逼債錢三百千攜妻子將溺於  
水朱憫而代還之其人感泣願終身爲奴不聽復以二百千給  
之而去慶歷庚寅歲饑以米八百斛作粥散貧民是歲其孫服  
生西吳里諱

朱服字行中湖州烏程人熙寧進士甲科歷秘閣校理尋權監察  
御史裏行章惇遣所善袁默周之道見服道舊故意服舉劾之  
惇補郡默之道免官以直龍圖閣知廣州州人後便宜振護明  
年大疫課特持善藥分拯之賴以安者甚衆紹聖初力詆變亂  
法度之故名爲中書舍人使遼徽宗卽位知袁州又坐與蘇軾  
游貶海州閣練使蘄州安置改興國軍卒

宋史本傳

朱彤服弟以學問名于鄉稍不偶輒棄去廬於先墓傍日玲瓏山  
薤草植木畦田園桑以樂其身終焉

茗溪集



吳某字君平其先自安吉徙烏程少有棲遁之志自奉甚約遇人  
之急惟恐居後宗族無親疎貧不能衣食昏姻者稱多其周之  
里人貸錢數十萬而死其孤存焉折券不問

同上

曹清烏程人其父殺人繫獄清自誣手刃代刑其尸溯流至家葬  
西陽村邑人廟祀有祈輒應宣和初方臘盜起將及郡城清若  
保障之功因以上聞錫封賜額今德清有昭應侯廟郡又祀於  
府學尊經閣之右以配顏魯公祠忠孝並列云

西吳里語

（補錄）清父敬元字中為四川統領死於殺  
仇人某氏清年十八代父降元時某自誅

葉夢得字少蘊紹聖四年進士歷官祠部郎大觀初蔡京再相向  
所立法度已罷者復行夢得以爲不可上喜除起居郎累遷翰  
林學士極論朋黨之弊京欲以童貫宣撫陝西見京爭之以龍  
圖閣直學士帥穎昌發常平粟振民李彥括公田黥吏告訐籍  
隱田數千頃夢得按治之高宗駐揚州除戶部尙書陳待敵之

計不報既而以夢得深曉財賦除資政殿學士提領戶部不拜  
歸湖州紹興初起知建康府時建康荒殘兵不滿三千夢得奏  
移統制官分守要害剽掠入寇擊敗之除江東安撫制置大使  
奏防江措盡八事金兵至柘臯夢得團結民兵數萬遣子模將  
千人守馬家渡金兵不得渡而去初建康屯兵歲費錢八百萬  
緡米八十萬斛至是禁旅與諸道兵咸集夢得兼總四路漕計  
以給饋餉軍用不乏故諸將得悉力以戰詔加觀文殿學士移  
知福州平海寇五十餘上章請老尋拜崇信軍節度使致仕十

八年卒贈檢校少保

宋史文苑傳

文獻通考葉少蘊平生所歷州鎮皆有能幹胡文定安國嘗以  
其蔡頴南京之政薦于朝蔡頴乘取欲令帥蜀辭不行作論意  
以崇慶節度使致仕耶希綱崇寧初蔡太師持紹述之說出  
既悉取元祐廷臣及元祐末上書論新法之人指為勢誦而投  
寬之又籍其名氏刻之于石刻之黨籍曉且將世世錮其子孫  
其後再相亦自知其太甚而未敢以為說葉左丞為祠部郎從  
客謂之曰夢得聞天下有道則庶人不議今舉籍上書之人各  
氏刻之于石以昭示來世恐非彰先帝之盛德也京大憲府其

後黨籍稍施而碑竟什焉胡仙書直儒聞之歎曰此人宜在  
則永東日記烏程派夢得七世祖彭生刑部侍郎達寧吳越  
郭夫人永安郡太君羊氏葬湖州榮氏翁自給雲遷湖州而居  
為吳縣雲川鄉中書省為定著吳興備志少慈子陳柱橫見石  
見周平國乾道丁亥泛舟遊山錄

何字述功烏墩人崇寧五年進士調蘭溪尉用薦陞錢塘丞改  
京秩知桐廬縣除知徽州任滿請老自改京秩九遷至左朝請  
大夫遇事精敏老吏疎服杭為會府寺僧義聞假權勢占民產  
一繩以法桐廬縣則政率以猛獨示以恩信追科不煩而事悉  
辦治徽郡經費不足日必有蔽欺不歸公上者病在胥吏久之  
盡得鄰郡有留繫不決部刺史悉以委之渙然盡釋平居未嘗  
廢書為文粹美有集三十卷藏於家

著漢集

吳側字公度試補太學第一崇寧五年禮部首選遂經學妙語言  
為時聞人自刪定勅令所出為寧海推官時蔡京罷相居城中  
委買雪川土物無虛月側意不平報以實直京怒重和二年名

爲九域圖志所編修官一日上問京卿曩居杭議推官吳個乎  
對曰識之其人傲狠無上知陛下御諱而不肯改乃以一圈圍  
之蓋言個字也上默然不懌未幾言者承風旨論罷自是不復  
出及京敗知郿州齊東野語

賈安宅字居仁收之從孫年十八入太學升上舍二十二廷試魁  
天下召對除校書郎累遷至戶部侍郎兼太上皇帝潛邸贊讀  
建炎中以舊學爲給事中封駁無所迴避歷事三朝累司文柄  
其所選掄皆得成材徽宗嘗手詔獎諭之子選詳明學故通達  
法理爲刑部侍郎嘉泰吳興志

吳興志按安宅除中書舍人制云西臺本政事之地內史兼  
勅命之文見其官也嘉泰二年以給事中除工部侍郎見朝野雜  
記選爲福建安撫使于淳熙十四年  
嘉泰澤陽失政會黨見八閩通志

舒庭芬字國華湖州烏程人政和六年上舍出身調單州成武主  
簿宗室子受昧部使者委治旣而觀望中輟芬督捕益峻

乃止陞黃岡縣丞父憂去官十年不赴調或勉之出調平江錄事叅軍盡心訊鞠有葛下者盜告身至三遷其官犯法下吏更二獄不承廷尉檄芬治一見得情朝廷遣使宣諭江浙得其意謹狀用薦改授宜興縣丞卒

若溪集

盛允升字德常其先建德人父僑直集賢院知越州宦遊吳興樂其山水因家焉允升資稟端亮力學問喜爲文辭采摭唐有吏能政和二年歷司隸封戶曹朝廷方考正徵角二聲允升上所著樂書數萬言論辨古樂府以析用中正之法甚悉改徵曹朌大晟府製造官燕樂成帝宗命輔臣覆視允升所著精妙歷遷朝請大夫

若溪集

俞侯字居易汝尚孫宣和中浙右經方寇之授州縣多缺守令侯知其定獲鹿縣辟爲歸安縣縣在郡邦人多難之乃豫定規模處之以公朱勔請括諸路隱匿田縣獨不與鹽法屢變私販者

罪甚重獨寬之葛勝仲知州事待俟甚厚或至治與之談後仕至敷文閣學士所至有治聲人稱為吏師

西吳野語

嘉泰吳興志汝尚孫俟曾孫南仲俱早年丐休告命有流傳父子當世榮之四世緒祿抑又過焉之語

葛燭字仲蒙一字國器登第後有慷慨憂時之志恂恂自守未嘗

與物競及當官而行則秉誼据正有不可奪之志故和秦檜時

鄉人沈長卿作牡丹詩有訐以為謗訕者引燭為証廷尉捕治

燭力辯其非長卿不任笞掠親書証伏獄吏以示燭燭曰長卿

証伏則可燭豈敢証吏別摘燭尉仁和時所作詩有今作塵

埃奔走人之句坐以怨望及應官上不言上遠竄武岡略不自

明紹興末擢監察御史已而出使廣東節操彌厲凡舊例供饋

積至數千緡潛輸公帑歸過曲江班郡縣吏之乏月給者自司

業升祭酒請祠優進石文殿修撰兩學生員祖道千計觀者太

息

平園續集

紹興登科錄二甲第十三人芮燁名勝郎小字者紹會祖道明  
街寧父產耕湖州烏程縣澄海鄉光化里翁東野諱王村芮祭  
酒燁初任仁和尉長和最有德王廟每祭則有小蛇出或止香  
爐或飲于杯往來者說事之堪成數壞人以為能所為芮一日  
焚香設奠蛇果出掩上芮端勞費之曰有功于民者乃得祀龍  
廟食于此未嘗有功而歲數壞壞勞民之力為罪多矣無功有  
罪于法當殺即舉勞學之應手碎是夕宿于近地疾風甚雨大  
木盡拔土人大恐而芮處之自若後卒為名臣西吳里諱楊雍  
容直落為國子司業開明理學朱晦菴若重之弟輝姪宜言嘉  
言相繼登進士宋史葉顒傳顒進尚書左僕射首薦王十朋周  
採芮燁等可憐  
執政時從臺諫

芮燁字國瑞紹興十八年與兄燁同舉進士乾道中提舉浙西常

平轉江西運判累官兵部尚書卒

詞錄

紹興登科錄四甲第四十三人芮燁小名鶯郎小字有功氏族  
大全芮國瑞為祠川傳過似偶日與吾遊者皆有歌詩然珠玉  
之賜不如藥石之貽公曰建平吏點民奸子何以處之日以露  
取吏以想待民奉公以勤律身以儉交同寮以誠暇日讀吾所  
未見書以贈其  
所未至公善之

沈清臣字正卿烏程人紹興丁丑進士因上書極論諫官不當用

歸正人語侵時宰貶封州放還隱居城南號晦岩初書屋以來

四方學者名入遷至皇子嘉王府翊善丐祠卽所居治園築亭揭閣曰曰潛溪多所賦詠後以秘閣修撰終於家

西吳里語

黃東通志沈清臣紹興末知封州政尙簡易一介不取風節凜然人望而畏之謂不媚其名云翁繇上皇廟孝宗欲行三年喪清臣論對喪服六事凡八千言展讀甚久知開張梟前奏恐妨進藉清臣正色曰言天下事讀竟乃已上勢之曰卿二十年閒寡今不

狂矣

俞漱字子清汝尚元孫以清介自持所至有治聲爲刑部侍郎丐休除寶謨閣待制放意泉石創圃於南門之外去城二里許與小浮玉山相對號曰無塵時以扁舟往來飲酒賦詩自樂焉

吳西里語

等東野語漱因伯祖開字居易思入仕中刑法科歷小補清波兩約集易無崖岸而居官守正不阿其爲縣建檢法陳承相地三山治盜遇賊一日驅數十因欲殺諸賊自其長曰胡廷有恩部而郡國無恩臺可手力爭之因命圖實送爲區別異者諒者各若干陳始怒而後喜其有守悉從之且西以京秩爲刑部郎日有郵臺以使衙爲時所畏授大理少卿然竟爲豪橫去自鞠案因得其直先宗社之仰日除大理少卿然竟爲豪橫去又嘗嘗有舟相程亮發經檢床正園一系十二口累歲始獲乃



事以爲人子代以開國大憲猶有所不款况亮乎  
是正典刑後權刑部侍郎以特制致仕家居十年乃終年十  
八且其自號也俞氏自退翁起家七十而納祿至徵凡五  
人且皆享壽年有園池琴  
書歌舞之樂卿也榮之

扣仔烏程人少無宦情自號苕溪漁隱閉戶讀書留心吟詠取古

人詩考之傳記作叢話百卷詞林稱其博雅

兩浙名賢錄

西吳里語行父舜陟官至法從叔舜中  
舜舉皆爲郡守皆知名有弟即爲郎官

沈平字東皐烏程人雅好文鄭清之吳潛皆與之遊薦於朝欲官  
之皆以疾辭不赴人稱爲沈處士云當時里中碑刻多出其手  
所著東皐遺藁若干卷烏青記四卷行於世

烏青志

芮立言嘉泰初知郇武軍事爲治清廉明決

八閩通志

芮及言字子及嘉泰三年知上高縣政事精勤容貌嚴厲一縣憚  
之號爲小監司嘗書所坐屏後少飲酒加餐飯勤由解公事辨

蒞官四年終始如一

同上

壺徵字慎之雲巖令德之六世孫也嘉定間爲舒州通判致仕歸  
濟王竑愛倖之王爲史彌遠所害徵同死焉見西山廣記曾捨  
粟五百石以濟鎮人

烏青志

曾青之烏程人寶祐間父獲罪當刑青之代死吏上其事追封之  
人爲立廟武康曰靈祐昭應

西吳里語

壺徵字怡樂號萬菊居士烏程人同安主簿嘉會之五世孫也幼  
以孝弟稱及長恥事胡元隱不出工詩詞有樵雲集集中稱宋  
謙之或曰無名氏曰宋者不忘本也曰無名氏者恥成名也其  
詞曰壺山居士未老心先懶壺山寓姓未老心先懶寓不仕意  
也又曰身在玉壺邊曰梅瘦玉壺中皆此意也龍泉章三益之  
師他門人之顯者以百計有怡樂墓志精李項襄毅乃其孫守  
正之徒事見襄毅詞林中

烏青志

周密字公謹號草窗烏程人曾祖中丞秘自濟南來寓吳興至密

凡四世密承家學博通經史兼善詩書以蔭充奉禮郎兼太祝知義烏縣咸淳十年爲豐儲倉國亡不仕號四水潛夫下陽嘯翁或稱蕭齋寓居錢塘癸辛街著述等身鑒定古器名書畫望而知之百不失一晚年歸初復庵於村山祖墓之傍并營兆宅稱下陽老人刻石自銘卒而葬焉

湖錄

丁勝烏鎮人善騎射曉勇絕倫嘉定十六年以卒伍從淮東安撫制置使許國鎮襄陽國之出鎮備李全也時李全陽爲恭順見國必拜國問語勝曰吾折服此虜矣勝曰全猶虜也恐終不能爲相公下顧深脩之寶慶元年正月全果爲亂國被殺傷走死統制彭興及親兵趙社朱虎等皆降於賊惟勝與張世雄不屈親提兵與賊巷戰斬賊將馬良時以徐晞稷代許國爲制置使勝復隸晞稷四月全爲時青所敗勝欲乘全敗圖之晞稷不許全後知其謀乃對勝而詰之勝不爲屈然恐爲全所圖乃逃還

揚州歸趙范授勝爲副統制紹定三年七月朝廷削奪李全  
官爵命趙葵趙范率兵討之十二月全兵突至揚州勝拒於灣  
頭大敗之援揚州防禦使復敗全兵於揚州之東門四年正月  
勝與趙范趙葵敗全兵於新塘全敗死二月獻俘於朝廷定奇  
功二十九人以勝爲首授淮陽節度使畱守揚州端平二年封  
濟陽侯嘉熙四年卒贈太尉

烏青文獻

牟獻字獻甫子才子也獻善爲文一門父子自爲師友討論經學  
以義理相切磨于諸經皆有成說

吳興備志

元

牟應龍字伯成父獻大理少卿應龍幼警敏過人日記數千言文  
章有渾厚之氣當以世賞補京官盡讓諸弟擢咸淳七年進士  
時賈似道當國自擬伊周謂馬廷鸞曰君故與清忠游其孫幸  
見之當處以高第應龍拒之不見及對策具言內外上下之情

不通國勢危急之狀考官不敢置上第調光州定城尉熙龍曰  
昔吾祖對策以直言忤史彌遠得洪雅尉今固當爾無媿也宋  
亡故相畱夢炎爲吏部尙書以書招之曰苟至翰林可得也不  
答已而教授溧陽州以上元縣主簿致仕初宋亡時大理卿已  
退不任事父子討論經學惟五經音考盛行於世應龍爲文長  
於序事時人求其文者車轍交于門以文章大家稱於東南人  
視之爲將山蘇氏父子學者稱曰隆山先生泰定元年卒年七  
十八

元史儒學傳

史博字約之烏程人博極羣書尤邃於易世祖求南人欲用之遠  
近交辟不就

雲江筆談

張復亨字剛父烏程人力學博覽名重當世仕至泰州同知與趙  
孟頫平應龍蕭子中陳無逸陳仲信姚式錢選皆以能詩擅名  
號吳興八俊虞邵菴嘗稱唐人之後惟吳興八俊可繼其音俱

有集傳於世

成化湖州府志

倪淵字仲深烏程人精敏絕人刻意聖賢之學三山敖繼翁深于禮易淵從之游博考洞究用薦除本郡儒學錄高克恭爲江浙行省郎中薦於朝未報調杭州路學正改湖州路儒學教授泰定丙辰江南三省交聘校文鄉闈遂應浙江命士論歸之考安定遺法列經義治事齋以惠來學授膏塗縣主簿時長官皆以故免去獨理縣事延祐初經理田土考覈多失實賦斂不均爲分畫編次以爲圖籍出其隱匿而去其增加二稅如期而集縣有定塘豪家據有民以病告立命歸之和州民有田在縣境富家爲交易參成而負其直民越江來訴得其情以其直歸之民感其德不避其勤民賴以甦以年老歸授承務郎

徵公集

公許自蜀居湖州仰於書無不讀用

距儒學錄歷江山縣尹再遷武岡路綏能縣尹縣隣谿洞民夷  
雜處竊發不時卹拊循愷悌境內以安會廣寇猖獗長貳而下  
以供億軍需出境卹獨任縣事師旅軍徒枝梧遣發戒令嚴明  
士卒帖帖不敢肆行縣有義倉糧二萬餘石積爲豪強所侵悉  
徵理之歲適大祲賴全活者甚衆轉慈谿縣令慈谿密邇帥閫  
事尤叢劇卹設施注措若不經意咸盡其宜縣東花嶼蓀湖受  
諸水溉田可六十頃豪門或請埋湖爲田而輸糧於官吏以成  
案請著卹毅然不可事遂寢湖旁農家均獲其利年七十以奉  
訓大夫婺源州知州致仕

同上

顏旒字景義烏程人舉泰定四年進士官至江西行省員外郎有  
能聲拙簪後日與文人墨士唱和林泉以終壽考晚年號竹雲  
怡老有歸叩集

烏青志

陳潤祖字德先烏程人十歲通孝經論語從牟應龍學以博洽稱

領鄉薦第一奉定四年成進士爲崑山州尹又以博學宏詞薦  
晉秘書少監預修經世大典書成轉肇慶判官告歸構別業曰  
東溪書屋教授生徒遠近畢至無何卒兄康祖字無逸亦有詩  
名兄子經會

會字子經會東遷人宋參知政事存之孫以道德文章  
爲後世所宗其子經會字子遠徽州推官吳本  
日卷目書家字有詩名著於時

陳繹曾字伯敷康祖子爲人雖口吃而精敏異常諸經注疏皆能  
成誦文詞汪洋浩博其氣燭如也與修遼史官至國子助教論  
者謂與陳旅相伯仲云

吳興倫志

案繹曾元史附陳  
旅傳作湖州人

張安國字世昌烏程大錢人少有才名仕元爲衢州路推官子溥

字伯源博學初授北平檢校累遷文華殿大學士

成化湖州府志

人字樸忠實不樂仕進自爲詩法云三百五篇風雅



仁人能讀少人觀時或須得自情性雕琢反愁失肺肝素真  
過塘中造化樹花看影外波瀾熟參熟究工夫到始信仙凡若  
一丹西吳里語

黃定字叔烏程人祖玠由慈谿徙居升山父野得本府訓導定  
以國子生授吏部主事累遷山東布政使端重清約與人語款  
懇若恐拂人意過不合則毅然不與苟同湖錄

丁敏字志學烏程人詩文典麗元末徙居吳山之楚有詩集行世  
松陵文獻

嚴應雷烏程人元末擁衆封之資孝行內篤仁恩外洽脫守臣之  
家難周故官之薦氣拯溺解厄惟日不足子震直施芳錄

唐士偉字伯謙烏鎮人元末多盜偉倡義團結鄉兵保障一境張  
士誠使聘不應明太祖召至金陵以母老力辭歸無何名親隣  
盡出家財分給之人莫測其故未幾江南諸富戶多冒國法死

徒偉獨免人服其先兄云

吳起難事

烏程縣志卷之六

人物

明

牟魯烏程人爲莒州同知洪武三年秋青州民孫古朴爲亂襲州城執魯欲降之魯曰國家混一海宇民皆樂業若等悔過自新可轉禍爲福不然官軍旦夕至無遺種矣我守土臣義惟一死賊不敢害擁至城南魯大罵遂殺之賊破詔恤其家

明史忠義傳

嚴震直字子敏烏程人洪武時以富民推擇糧長歲部糧萬石至京師無後期帝才之二十三年特授通政司叅議再遷爲工部侍郎二十六年進尚書時朝廷事營建集天下工匠於京師凡二十餘萬戶震直請戶役一人書其姓名所業於官有役則按籍更番召之役者稱便鄉民訴其弟姪不法帝付震直訊具獄上帝以爲不欺赦其弟姪坐事降御史數雪冤獄二十八年論

安南還條奏利病綱旨尋命修廣西興安縣靈渠審度地勢導  
湘灘二江浚渠五千餘丈築漢源及龍母祠土隄白五十餘丈  
又增高中江石堤建隄關三十有六鑿去灘石之礙舟者漕運  
悉通歸奏帝稱善三十年疏言廣東舊運鹽八十五萬餘引於  
廣西召商中買今終年所運纔十之一請分三十萬八千餘引  
貯廣東別募商入粟廣西乏糧衛所支鹽展東甯之江西南安  
潯州吉安臨江四府便帝從之廣鹽行於江西自此始其年擢  
右都御史尋復爲工部尙書建文中嘗督餉山東已而致仕成  
祖卽位召見命以故官巡視山西至澤州病卒

明史本傳

解志居詩話尙書山運糧萬石長舉爲布政司參議未之官所  
通政司事歷工部尙書洪武三十一年致仕建文元年已  
卯復以年老歸不與事帝念其任事久畱住京師考道典集中  
有議集賜第之奏心堂詩乃是年三月十五日事分韻者爲道  
學士倫茹尙書高太常選志任尙書平泰程都御史本立李  
尙書至剛鄭庶子許黃侍郎福張尙書統高經歷德賜凡十有  
一人太常詩云尙書遂休致賜第居京洛侍郎詩云司空居廟  
堂憂國髮如絲挂冠神武門賜第臨京師歷歷可證而續藏書

謂尚書歸老在里長陵以兩馬夾袋昇至京致身錄又稱站輝  
兵起時留歸山東皆妄也載考文皇帝實錄壬午七月二十三  
日詔云朕居藩邸凡百姓艱苦靡不知之數年來兵興北方之  
民疲勞尤甚朕所以奉養者為宗社生民計今宗社既安而北  
方之民未安朕夙夜不安乃命前工部尚書震直戶部致仕  
尚書王純應天府尹薛正言等分往山西山東陝西等布政司  
巡視民瘼何弊當革何利當建速具奏來尚書受詔往山西是  
秋九月十一日病卒於澤州公廨合之忠誠伯茹瑄所撰嚴公  
神道碑無異初不聞長陵密詔往雲南訪建文帝也吾學編題  
國表忠紀等書不知何所據信存金為實列尚書為後死忠臣  
之首萬歷十九年巡按御史黃鍾疏請建祠榜曰旌忠列在祀  
典越數十年其裔孫祇字文昭任祠祀黃公欲顯吾祖功業炳  
耀史冊何藉吞全一死以罔天下後世黃公欲顯吾祖功業炳  
適足以誣吾祖也鳴文昭不欲諱其祖可謂賢子孫矣

嚴宗仁震直長子母夫人屠氏病甚醫藥罔效宗仁焚香默禱封  
股作糜以進一啜良愈其將問於有司請旌宗仁固止之歿  
後有以其事聞于朝帝命賜石虎以表墓

湖錄

沈秩字仲庸烏程人任職事洪武三年詔與御史張敬  
之往諭渤泥國國在西貢十餘年始至國王倨侮無禮秩  
令譯人反復開陳王始悟王以金佩刀吉貝布相贈不

受王顧近侍曰天朝使者廉潔如此爾曹宜效之其國亦遣四人入朝致貢襲服遠人不辱君命宋學士濂爲之記

同上

施德華烏程人性朴素能詩洪武中有司累以明經薦不就結屋數楹於郡城之南自號城南小隱惟以經學教授後進有詩文行世子公衍永樂間監察御史有風紀從孫琰安皆爲御史時人榮之稱爲施氏三御史

成化湖州府志

朱允恭烏程人父華洪武十八年除監察御史二十三年以事繫獄允恭上疏申父寃帝念其孝命代父爲御史二十八年父以舊事得重刑允恭請代死勅宥之人稱孝子朱御史

同上

陳援烏程人性廉介博學能文洪武間山長興縣學訓導遷刑科給事中累官大理寺丞獄多所平反嘗陳治平十疏子實翰

林編修

分省人物考

湯盤字日新烏程人洪武丙子舉於鄉永樂中歷監察御史正色

敢言百僚震竦有武臣暴橫凌轢士類盤剗置於法京師蕭然  
湖錄

汪翁綬字文若建文庚辰進士少有才行任行人管使安南不辱  
命薦擢御史按河南山東甚有風力崇正烏程縣志

柴震字景春烏程人永樂甲申由國子生授兵科給事中遷至大  
理寺少卿獻決不苟人不敢干以私及卒囊橐蕭然宏治湖州府志

費容字含之永樂中爲萬石長遇歲大歉代納一邑稅糧有司上  
其事詔予七品散官浙江通志

錢完錢村人正統六年出粟二千斛助賑勅賜褒諭仍旌其門同上  
俞杲鄔仲寧徐總沈安俞益俱正統景泰間循例納粟助賑給冠  
帶仍表其門同上

潘昱字孟昭號清隱烏程人隱居樂善料事成敗了了守令無不  
見知呼曰潘處士景泰五年歲大稔安吉尤甚幾至激變太守

趙登延至問計昱曰若輩苦徵科耳帑有歲積願代輸於是牛車所至歡聲大騰一州全活事聞欽給冠帶仍旌其門

湖錄

王和烏程人景泰五年歲大祲郡守募能賑者燕之公堂以多寡爲位次和謂長子毗曰數千穀細事耳爾出不首坐歸無見吾玘至郡俟富室書數畢更益其數而書之適呂山吳氏後至數有加玘坐其次和爲不怡者累日玘以情白郡守願再輸千石郡守張席獨宴之玘歸父始歎然玘字朝用以賑授義官

浙江通志

尹政字景暘烏程人父疾割股以救景泰五年輸粟八百斛濟邊

旌表其門

宏治湖州府志

費鑑字市隱烏程人景泰中傾家救荒特恩予儒官旌其門目孝

義正德初郡遭洪水哭訴御史臺請疏改折鄉人德之

浙江通志

陳秉中字宗堯烏程人天順丁丑進士殿試第三人授編修

一統志成賜楮幣成化改元修英宗實錄成陞侍講掌南翰林



院學士母喪歸卒秉中性孝友所得俸資分給兄弟賑卹族人  
橐無畱資爲文務以理勝詩亦冲淡溫厚

漸錄

閔珪字朝瑛烏程人天順八年進士授御史出按河南以風力聞  
成化六年擢江西副使進廣東按察使久之以右僉都御史巡  
撫江西南贛諸府多盜率強宗家僕珪請殺盜連坐其主法司  
議從之尹直輩謀之李孜省取中旨責珪不能弭盜左遷廣西  
按察使孝宗嗣位擢右副都御史總督兩廣與總兵毛銳討古  
田獍珪復進兵連破七寨他賊悉就撫宏治七年遷南京刑部  
尙書尋召爲左都御史十一年東宮出閣加太子少保十三年  
代白昂爲刑部尙書再加太子太保以災異與都御史戴珊共  
陳時政八事又陳刑獄四事多報可珪久爲法官議獄皆會情  
比律歸於仁恕宣府妖人李道明聚衆燒香巡撫劉聰信千戶  
黃珍言株連數十家謂道明將引北寇攻宣府及逮訊無驗珪

乃止坐道明一人餘悉得釋而抵珍罪聽亦下獄貶官帝之親  
鞠吳一貫也將寘大辟珪進曰一貫推案不實罪當徒帝不允  
珪執如初帝怒戴珊從旁解之帝乃霽威令更擬珪終以原擬  
上帝不悅召語劉大夏對曰刑官執法乃其職未可深罪帝默  
然久之曰朕亦知珪老成不易得但此事太執耳卒如珪議正  
德元年六月以年踰七十再疏求退不允及劉瑾用事珪復連  
章乞休明年二月詔加少保賜勛馳傳歸六年十月卒年八十  
二贈太保諡莊懿

明史本傳

范淵字以清烏程人沉默簡重事不苟爲嘗割股愈母疾成化丙  
戌輸穀千斛以例授七品散官

治朔州府志

聞祿烏程人由國子生釋褐授臨江府通判操守堅正蒞政公平  
事無愆違民皆樂業陞大原知府

同上

吳瓊字懷德成化己丑進士授兵部武選主事轉刑部員外郎

陞郎中廉介自持不爲威屈歷歷有聲陞江西按察副使

縣志

沈溥字濟成化庚子舉人蘇州通判嘗上封事曰養君德慎名器振兵威抑近習斥異端裁冗費却貢獻決壅蔽皆切中時宜聞者壯之三載解職歸以圖史自娛性亢直力學篤行爲詩文下事剴襲而興致灑然

崇正烏程縣志

王濟字汝舟烏程人父宗和以無妄陷獄濟肄業塾中大書救父二字韻書達旦成化丁酉魁於鄉時年十九遂得釋父繫辛丑成進士授南兵部主事轄馬快船二千餘中官怙寵侵沒無算濟力爲裁省大司馬王恕深器重之以忤銓司出爲雲南臨安府臨安多奇貨屏之如土其夷民雜居競起爲盜濟遏其亂源盜用以息陞貴州副使引病歸年八十三

新錄

溫璋號桂軒烏程人成化間解類京師道由山東值歲稔民競登

妻女輸賦璋卽捐所運糧千二百石代輸抵京假貸自納事聞有旨褒異給章服同上

王欽字燭之宏治己未進士拜南御史清戎湖廣所部有盜夜掠庫藏典守者隸爲好欽詰之曰數盜力能舉五千金乎具伏辜改廣東道節益勵出爲四川參議未任坐免閉門却掃人服其高崇正烏程縣志

費倫字仲彝號南湖宏治時貢任湖廣枝江訓導正德時流寇橫楚豫犯枝江倫率士民登陴死守凡三月城賴以全撫按上其功補枝江令卒于官祀名宦康熙烏程縣志

黃雄烏程人正德戊辰進士爲普安州守每巡行裹糧自給絲毫無取明察善斷從前積弊一時盡除貴州通志

趙金字淮獻號心山系出宋濟邸數傳居南潯金自少穎敏端前不妄言語博學強記工詩剡南坦願簪溪張石川文衡山結以

山會邀之入社不應武廟詔徵所司敦促不應晚年郡太守及  
泉李公重其名行五辟鄉賓亦不應家故貧夷然不以屑意所  
居當閭閻中閉戶讀書入門者肅然宛如深壑行高潔非其義  
介然不可奪亦不為矯亢之行年八十九無疾端然而逝南齊志  
靜志居詩話趙融年六十營齋室欲平生齒牙爪髮之已脫  
者洗練而養盛之以為齒非之具賦全歸詩三章其一云憶昔  
髫年時嘗記齒初脫歷歷真牙生蔬食藉以進邇來筋力衰齒  
牙搖且据朝夕學種之種之惟自慎餘齡已七十疎豁落殆盡  
萬物有消長死生當委順其二云十指之爪乃筋之餘搔彼白  
首信爾爬梳一彈指頃發月其髮時或覘之式用藏之嗟嗟此  
爪我心不違他日觀化亦從而歸其三云朝梳暮梳白髮滿首  
一朝禿盡其成老醜哉諸囊中括之無咎天地一毫惟我所  
人言白髮公道不負我將全歸其顏何  
耳又自為生祭文挽詩自是不復出

費愚字希賢正德中以原貢授南陵訓導攝縣篆有劇盜數人偽  
稱校尉至縣欲劫庫愚廉得其狀而不逮發置酒高會酒數巡  
命擒之開視其裝皆刀矛斧鉞道旌其功擢麻城知縣次采  
石舟覆沒邑人思之崇正烏程縣志

凌震字時東號練溪其先安吉遷歸安僉都御史晏如子敷籍烏程生震有俊才詩文縝密清壯鈎索富聞以廩貢選授黔陽訓導鐵橋黃公重之到官卽命提督寶山書院嚴立科條啟迪講劄一時士類改觀比歸掃迹杜門清修絕俗

獻徵錄

溫廷王字清樂烏程人敦行尙義鄉黨推爲長者正德中舉爲糧

長誠實不欺年九十九稱百歲翁寶忠公璜其六世孫也

湖錄

費亘字子久號諸峯烏程人好善樂施義孚鄉里歷正德嘉靖隆慶萬歷四朝舉鄉飲大賓五次直指旌其門曰四朝完人年一

百有六歲

同上

王濟字伯雨少穎敏好學補太學生銓授廣西橫州判官會缺守州政多弛盜且作濟視篆得其習俗利弊設施咸與橫宜俗丕變盜亦潛弭州以無事以母老疏請終養橫民傾城畱之不得歸與龍覓孫一元輩觴詠好事者題曰浙西倡和嫺黨飢寒倒

囊不惜遇事激發可以敦節寬薄

劉情惠公集

沈煥字光伯號兩川正德己卯舉人四上春官不第幡然歸專意  
窮經嘗曰六十四卦斷也二十一史案也以案証斷靈於著卜  
安用冥冥如射覆乃取史傳某人某事與某父義合者著易衍  
義或勸之仕不荅以曾孫淮贈大學士

崇正烏程縣志

明錢鎰中饒州太守鎰出後從父族讓謂不當受本生父產鎰  
不可竟分與遂祭田使族之貧者合食于餼餘煦和坦易不設  
城府有過誨規不為嫌  
州之態遠近稱其高義

高何嘉靖二年出粟千石賑飢詔旌其閭

康熙烏程縣志

陳昇號南墅多隱德嘉靖初起運北白在途有同解某舟覆昇憐  
之代輸米某竟負昇以掛欠繫獄于琦破產抵京自納僕陳海  
詣闕舉登聞死世宗異其事傳旨收埋海屍令戶部給憑授昇  
父子尚養七品散官旌表門閭兩舉鄉飲賓

陳氏熙春譜

陳登字欽之號雲際究心理學淹貫經史及門通顯者數十人教

子弟授程嚴督事伯兄敬順讓父遺業遠老益厚

崇正烏程縣志

閔如霖字師望號午塘家烏程晟舍里嘉靖壬辰進士甲午授編修詔使宗藩饋餘悉不受陞中允諭德纂修會典遷侍讀學士尋陞太常卿拜禮部侍郎改吏部掌詹事供內撰文小心益恭丙辰陞南京禮部尚書上疏乞罷甚力詔許致仕歸逾年卒寬大溫博與人交不爲畛域然亦未嘗苟同於人歷官清華不一踐繁劇而遇事能斷在朝諸老往往以疑事質之斟酌損益咸當上心三典文衡較閱精審學問歲身率物不爲苛細六館之士德之

獻徵錄

沈鑑字明之號果齋嘉靖初年貢入南雍師湛甘泉講學選授元

氏令定爲九賦之式徭役以均子應龍成進士致政歸壽八十

一祀鄉賢

崇正烏程縣志

沈應龍字翔卿烏程人嘉靖乙未進士授刑部主事遷郎中奉命



湖廣慮囚寃疑並得減釋繼爲四川副使當白草莽之亂撫勦未定極言撫之無益徒損國威不若專意征勦撫按交章薦其材叅廣東藩政畱心邊圉卒誅范子儀等安插莫正中定莫滋澗之位崖萬黎叛預議處置久安事宜言崖萬與瓊相去數百里合添設叅將於崖州叅議於萬州協力共濟地方以寧壬子巡撫山東值濟兗萊青大歉講修荒政全活八十餘萬人又運河淤塞議開新河言新河雖管置閘無水可蓄開濬無益於運不若次第修築力省功倍卒如其議運道復故河南師尙詔攻陷州縣卽嚴兵黃河以待寇退去邳泰單縣流賊嘯聚命將一鼓成擒倭寇告急登州故有備倭兵船後遞減亦復舊制又以登州沙門黑山諸島遊軍逃匿其間恐有意外之變皆如議行甲寅轉南京刑部侍郎歸

獻徵錄

張永明字鍾誠烏程人嘉靖十四年進士除蕪湖知縣獻皇后梓

宮南祔所過繁費不貲永明至江岸佛舍爲殿供器餽金財  
用大省尋擢南京刑科給事中寇入大同山西總督樊繼祖巡  
撫史道陳講等不能禦永明偕同官論其罪已又劾兵部尙書  
張瓚贖貨悞國又劾大學士嚴嵩及子世蕃貪污狀已又劾兵  
部尙書戴金爲御史巡鹽時增餘鹽羨銀阻壞邊計疏雖不盡  
行中外憚之出爲江西叅議累遷雲南副使山西左布政使以  
右副都御史巡撫河南伊王典瑛恣橫永明發其惡後竟伏辜  
四十年遷刑部右侍郎未上改吏部進左尋拜刑部尙書居數  
月改左都御史條上僞屬撫按六事御史黃廷聘按浙歸道湘  
潭慢知縣陳安安發其裝得所攜金銀貨幣廷聘皇恐謝乃還  
之永明聞劾罷廷聘浙江參政劉應箕先爲廷聘論罷見廷聘  
敗撫其陰事自辨永明惡之劾應箕亦斥故事京官考滿自翰  
林外皆報名都察院修庭調禮後吏部郎特權張濂廢報名

光祖廢廷謁永明榜令遵故事列儀節奏聞詔諸司遵守郎中  
羅良當考滿先詣永明郎約免報名庭謁乃過院永明怒疏言  
此禮行百年非臣所能損益良輕薄無狀當罷又卿貳大臣考  
滿詣吏部與堂相見訖卽詣四司門揖司官輒南面荅揖亦非  
禮當改正良疏辨奪俸詔禮部會禮科議之奏言永明議是自  
今吏部郎其承舊制九卿翰林官揖四司當罷詔可永明素清  
謹掌憲在嚴請能後以整飭綱維爲己任會給事中魏時亮劾  
永明力求去詔許馳驛歸明年卒贈太子少保諡莊僖

明史本

今省人物並永明江西義縣河南按察使以憂歸會是夷鼓  
城中被賊民從外呼號不得入永明日莫非首奈何  
衆以上意不測未敢輕議永明獨力議遠戍中外稱快

張天秩永明長子字子禮號蓮洲應天中式選中書遷水衡主政  
惟荆闕商人稱平轉都水晉營繕員外郎會三殿大工勞瘁卒

祀鄉賢

崇正烏程縣志

邵南字文化號康山正德丙子舉於鄉試春官下第築室月簾山中研窮性道獨觀靜養若將終焉卒業南雍與呂涇陽鄒東廓講學充然有得嘉靖乙未登進士授行人累遷工部郎中公廉才練檄治工役抑濫縮浮公私節省出爲山東按察副使典學論道務崇造化暴卒士論謂理學儒臣人無間言

劉清惠公集

董份字用均居南潯因號潯陽嘉靖辛丑進士選庶吉士授編修轉右中允提翰林學士出入禁中一時祝釐之文多出其手晉禮部侍郎轉吏左陞禮部尙書時郊社廟祀率遣官代奏言天神無兩格之理請罷一切秘臚需次揆席忌者間之遂奪職家居收卹族人創義田築義宅義塾又爲義倉鄉人皆仰給焉卒年八十六子道醇孫嗣成

賜問堂集

潘仲聯字時乘號天泉烏程人嘉靖辛丑進士由庶常編修歷高栢國直言觸忌謫瑞州司李攝袁州篆值嵩建策徵民夫復

盡裁之再忤補大名通判歷安慶知府免歸家居遇坎珂尋解  
年八十二

湖錄

凌約言字季默號藻泉震子嘉靖庚子舉南開知全椒縣課最擢  
沔陽知州築下流堤捍荆湖漢沔諸水水暴至不能損稼州人  
德之呼爲凌公陞遷廬州府同知擢南刑部員外丁艱服除不  
赴調優游林泉好養生家言日誦老子專氣致柔章晚又遊禪  
自稱淨因居士

兩浙名賢錄

費止字子靜號何山烏程人嘉靖癸卯舉人授德安府  
推官覈通省官評爲第一貪墨者舉卓異第一擬擢吏部  
忤少宰左遷判江陰府以不職輔功晉荊州府同知攝府篆  
四載却例金銀萬計民無怨言嘉靖癸卯猗猗會有抄籍大案流毒千家  
悉白其枉擢工部主事嘉靖癸卯荆南道嚴嵩索賄不應適黔撫  
爲嚴姻姬復相

一 吳興名賢錄

張兆元字子宿永明次子謁選授宛平丞時潞藩議婚用寶珠力裁其值大璫嚙呵正色却之長安稱能尋擢判河間加永平丞值倭氛孔熾蘇流民備戰守功稱保障繼移淮安郡丞時河湮漕塞獨舒已裁堵義安口疏小浮橋旬日河水溢丈許漕艘叩尾盡入論功加服俸四品

張氏家譜

潘季馴字時良烏程人嘉靖庚戌進士授九江推官擢御史巡按廣東行均平里甲法廣人大便進大理丞四十四年由左少卿進右僉都御史總理河道與朱衡共開新河尋以憂去隆慶四年河決邳州睢寧起故官再理河道塞決口明年工竣坐劾罷萬歷四年再起巡撫江西明年召爲刑部右侍郎是時河決崔鎮黃水北流清河口淤澱全淮南徙高堰湖堤大壞淮揚高郵寶應間皆爲巨浸大學士張居正深以爲憂河漕尙書吳桂芳

議復老黃河故道而總河傅希聲欲塞決口東水歸漕兩人議不合會桂芳卒六年夏會季馴以右都御史兼工部左侍郎代之季馴以故道久湮雖清復其深廣必不能如今河議築桂鎮以塞決口築遙堤以防潰決又淮清河濁淮弱河強河水一斗沙居其六伏秋則居其八非極湍急必至停滯當藉淮之清以刷河之濁築高堰東淮入清口以敵河之強使二水並流則海口自濬條上六事詔如議明年冬兩河工成加太子太保進工部尚書兼左副都御史季馴初至河上歷虞城夏邑商邱相度地勢舊黃河上流自新集經趙家園蕭縣出徐州小浮橋極深廣自嘉靖中北徙河既淺遷徙不常曹單豐沛常苦昏墊上疏請復故河給事中王道成以方築崔鎮高堰役難並舉河南撫按亦陳三難乃止遷南京兵部尚書十一年召改刑部季馴之再起也以張居正援居正歿家屬盡幽繫季馴言居正母逾八

旬旦暮其必其命乞降特恩特釋忌者以黨庇居正効爲民其  
後臺省交章論薦復起右都御史總督河道自吳桂芳後河漕  
皆總理至是復設專官明年黃水暴漲衝入夏鎮壞田廬居民  
多溺死爭購復築臺之十九年冬加太子太保凡四奉治河命  
前後二十七年習知地形險易增築設防置官建閘下及木石  
構埽綜理纖悉積勞成病三疏乞休不允二十年泗州大水城  
中水三尺患及祖陵議者或欲開傳單湖至六合入江或欲濬  
周家橋入高寶諸湖或欲開壽州五埠河以分淮水上流或欲  
弛西堤以洩淮口季馴謂祖陵王氣不宜輕洩而巡撫周家  
陳于陞巡按高舉謂周家橋在祖陵後百里可疏濬議不合遂  
歸三年卒年七十五

明史本傳

嚴杰字子俊烏程人嘉靖庚戌進士授中書舍人拜監察御史爲  
中貴所嫉謫判臨清有部使者欲致庭跪不屈遷贛州司李不



赴歸卒

康熙浙江通志

溫應祿字以庸號古渠烏程人嘉靖癸丑進士時殿試策例排偶  
應祿獨以逸氣散行縱筆淋漓上奇之擢第三人授翰林院編  
修會河南山陝地震死者相望海賊汪直糾倭入寇江西俱被  
殘破應祿語政府及大司農曰生民塗炭矣荒於天災又荒於  
海寇盍以蠲賑請於上曰無言事者應祿卽草疏略云國家太  
倉之粟太府之錢計其羨餘堪給度支今之議救災議賑荒者  
曰宥罪曰蠲宿逋夫宥罪則長惡而縱奸蠲宿逋則胥吏侵漁  
頑梗沾惠總無益於良民臣請恩蠲本年田賦俾人人實受聖  
澤奏上不行踰年卒官應祿性純孝善承親志雖在史館每以  
不得祿養爲歎所爲詩文氣邁豪古而仕不展志壽不享年人  
皆惜之

湖錄

凌迪知字稚哲號繹泉約言長子嘉靖丙辰進士歷工部郎中時

朝廷事齊醮興十壤之後計琉璃磚瓦百五十萬非經年不辦  
迪知訪得巨璫所貯三萬副料若干盡勒數報上刻期而辦巨  
璫恨之中以危法謫定州同知署開州里甲苦一切供應迪知  
請立一條鞭法後麗御史尙鵬用於浙海中丞瑞用於吳皆以  
爲便遷大名府判陞常州府同知罷歸閉戶著書林下三十四  
年日校讐羣書雕板行世年七十二卒弟稚隆同上

凌稚隆字以棟號磊泉生華胄絕無他嗜獨愛典籍雖黃鉛槧未  
嘗一日去手晚年輯三才統志日嘔血數升不少輟子濛初同上

錢鎮字守中號南離烏程人生而敏悟家貧與弟錫寄居僧舍讀  
書交相淬勵唐一菴講學鮑山鎮往師之從陽泰里徙居思溪  
親率家僮樹藝而手攜一編口誦心維夜則篝燈展卷漏殘弗  
輟嘉靖己未舉進士歷官兵部郎中中譏罷歸一意著述年八  
十八許敬菴評其文明達似賈陸詩冲逸似陶韋又言其剛明

博大得於天性起自單寒備嘗辛苦動心忍性非一事一日論  
學得孔氏真傳而變化容有未盡故剛或失之急大或失之疎  
中惴可對神明流俗有不盡諒者士林以爲篤論

同上

沈塾字子居號吳洲父壯年高蹈乃亦謝去鉛槧以色養二人好  
施予口不言利一日築室路地有藏金見役者告曰此公土也  
塾曰然是我土也當其藏時則非吾土也趨告縣不以自私凡  
視身御家嚴括修謹無纖芥違心之行子節甫之登之陰諸孫  
宗淮演次第登科甲居顯官未嘗少假言笑每戒以真心直行  
求不愧怍不必立門戶樹頽頽以爲名高年八十三身膺三命  
封尚寶卿無疾而卒予祭葬不爲例累贈大學士

同上

沈節甫字以安號鏡宇嘉靖己未進士授禮部主事陞員外郎中  
時有旨屬草玄持弗具又有旨建祠禁地令黃冠祝釐持弗建  
尙書高拱甚遂移疾歸萬歷初補尙書丞晉少卿旋轉於南

張居正母入京取道秣陵送迎傾都邑獨不出竟致仕歸居正卒  
詔起南京通政司叅議擢南太常卿陞大理卿刑部侍郎平反  
稱允名爲工部左侍郎尙方非時宣索奏言節慎庫現貯金錢  
九十萬有奇而歲出溢於所入者且十五萬更數年盡矣可爲  
寒心請一切止傳造俾徵解數帑藏不空語甚切至五上而後  
得旨節省不貲浙比歲不登疏減織造五之一歲運減三爲二  
兩運所寬率三歲省一於河渠講求最久廷臣紛紛上便宜一  
意持審不欲妄興大役疏言以治河身之高爲上竄其次開腰  
鋪使黃讓淮以安祖陵開韓家莊洩閘水以保運道爲中策於  
是諸議盡寢而韓莊浚役漕艘安流以父憂去卒贈右都御史  
諡端端獻徵錄

沈桐字時秀號觀頤珍之孫嘉靖己未進士知壽光照有神君之  
號晉南禮部主事改吏部告養家居二十六年母喪除出爲

禮部歷應天府丞飛騎報倭艘千餘且至桐繫其人戒勿言或問故曰不自司馬而白府故知其詐且倭猝至尤宜鎮靜暇豫一張皇先自亂矣何以待敵聞者大服晉石僉都御史巡撫福建僅三月乞歸祠性孝友祿入悉推分親戚歸羨餘於庫却舊吏之餽于莫夜敝廬布袍一如寒素課子孫率先正已博聞元覽于陰陽勾股獨探其精

湖錄

嚴大觀字子孚烏程人弱冠有文譽遊唐一巷之門稱高弟數奇不偶於進退出處之際卓然不苟劉南坦不妄許可每見必稱曰嚴長公年五十以貢謁選得江陰訓導轉嘉定教諭寧國教授致仕歸太守李頤重其品延爲鄉飲賓

同上

沈賁沈鼎與兄晉同居有賊入室劫晉逐之被殺移屍舟中欲載以去賁偕鼎奮入賊舟奪還殞於堂因矢曰不獲賊報兄仇不復歸同出求賊蹤無所得越半載泊舟後林與賊舟隣賊羨二

人奪屍之義中夜述其事以告同黨二人聞其語待旦密告村人共執之送官論死歸設祭於兄告之

康熙烏程縣志

閔一鶴字聲甫號芝山以安吉籍選貢授閩永定令奉丈田之命力豁浮糧上杭人尤興逸以白蓮教惑眾殺傷官兵當事議合兵屠之一鶴但戮其首全活八百餘人觸暑冒瘴卒輓歸次上杭老幼哀號道左詢之向所活白蓮教人也至今祠祀崇正烏程縣志陳行健字體乾號延祝居烏程熙春坊嘉靖乙丑進士選庶吉士改戶科給事中時詔內瑞往蘇杭織造疏請停止不允力爭言蘇杭自倭患加以水旱戶口逃亡勢難加派上從之諸瑞又請開戒壇爲上造福疏言開壇度僧男女聚雜上爲停止又劾中官馬保四逆六罪陞太常少卿不附江陵乞養拜南太僕卿擢副都御史提督操江會星變遵例自陳歸薦起太常正卿未任

卒

陳氏熙春譜

陳行簡字體敬號廷驪行健弟隆慶庚午舉人選授宿松令改建  
學宮丈豁虛田申請題革楓香驛楚簪貢鮮之擾內艱歸服闋  
晉判撫州資遣屬官流落妻女釋盜劫男婦數十人陞荊州牧  
致仕歸兩奉覃恩晉階四品郡守陳筠塘禮請賓筵年八十二

祀鄉賢

湖錄

韓紹字景先號約齋烏程人隆慶辛未進士知寧德縣申豁陷海  
虛糧三千石裁驛站銀七百兩民德之調長樂有大盜久不獲  
計擒之捥刑科給事中以忤江陵出爲廣東叅議轉廣西副使  
備兵府江府江爲百粵通衢地多菁棘猺獞竊伏烟瘴鬱蒸路  
絕行旅紹移檄募商五十人伐山開徑五十餘里遂成孔道至  
今稱韓公江韓公路歲省水陸護兵餉二萬七千有奇再遷湖  
廣叅政蘄州城東江心有怪石嵯峨洪濤奔駛舟行觸之卽碎  
紹因石築臺通望歸然舟行得以遠避楚人稱爲冰心臺衛兵

掠販婦女絡嚴治之按籍給還晉行太僕寺卿致仕卒所至皆

祀名宦

同上

黃榜字汝登孤貧力學從唐一庵游器重之設科教士稱古師範以貢爲鎮江訓導轉輪南平皆奉母以行母登八旬遂乞歸當事贈詩有志養不欣毛義檄冬溫却有鄭虔瓊之句旣歿南平祀名宦郡邑祀鄉賢又配享唐先生祠

崇正烏程縣志

王汝源字以仁烏程人以貢爲縣訓導遷義烏教諭日名諸生講明性理之學著太極通書述直指蘊奧又作諭士編首立志終畏法極其諄切陞岳州教授不赴年九十

湖錄

姚讓號淳菴家貧得遺金訪求其人還之事母孝先爲兄娶嫂然後自娶繼完兩弟姻教子舜牧成名

崇正烏程縣志

姚舜牧字虞佐烏程人領薦歷癸酉鄉薦嘉唐一庵許敬庵之學自號承庵所撰四書五經疑問五易稿而成令新興訓導



民如子造士如師歲大禱饗救荒之策賑濟不遺餘力所著家訓真切過於顏氏直指爲建羽翼六經坊于會城年八十有五  
一口徧別親故端坐而逝祀鄉賢

順治湖州府志

王豫字介夫號槐庭烏程人萬歷丁丑進士爲工部主事權荆關  
出爲福建僉事治巫蠱以除民害犯縉紳忌坐免歸講學四方  
應桐川聘方演艮卦卽于講堂坐逝祀鄉賢

湖錄

王道元字善長號洪厓豫子萬歷丁未進士歷工部郎廣東叅政  
設方略擒斬尙賊晉江西布政以忤璫回籍崇正庚午補廣東  
右布政巨寇劉香倡亂九蓮山道元徵兵與虔撫潘曾紘總兵  
鄭飛黃協力征勦香就縛又擒賊陸彥博等招撫萬餘人陞福  
建左布政鐫職歸起補廣東叅政九蓮諸山寇起勦撫互行踰  
年乞歸卒

同上

斗字景升號文峯烏程人萬歷丁丑進士歷刑部郎中有豪犯

人辟托要人從大司寇居間斗不可竟置之法出知荊州府江陵獄起株連數千家斗以江陵輔少主十年明毅持法天下肅然朝廷之政出於一獨嫉異太過耳其刻廉務名脏入不當分宜十二而株繫累累心竊憐之爲設權宜規措多方陞福建副使調補雲南平養寨苗王華之變賜白金晉右叅政乞歸卒於道

同上

凌嗣音字孟昭號存彝萬歷庚辰進士今南昌會詔度民田乃分上中下末四則定賦當事概主一則之議力陳弗便峻持之調羅田歷刑部郎中出知梧州府中貴收稅採礦張爪牙擒其尤者置之法晉桂林副使招諭安南三賜白金陞蒼梧道積勞而卒

崇正昌程縣志

閔世翔字仲升號鳳寰烏程人如霖孫萬曆庚辰進士知安福縣歲飢躬行賑濟勸富民出粟有法時方丈田恐吏役滋弊釋

衣儒生有學行者董其事老吏束手造蜚語撼之不爲動以清邑人御史劉臺以糾江陵和削籍江陵授意巡按文致他事謫戍繫追贓臺貧不能輸世翔歎曰殺直臣媚時相可乎力護持之會江陵死得免有謀殺人者穴隣家地瘞之發瘞得屍隣人不得辨將坐辟世翔往驗果得踪尋遷工部郎出守邵武請告歸卒子洪學號會泉萬歷戊戌進士由刑曹歷官僉都御史巡撫雲南討羅平沙賊之亂恢復舊蓋諸城陞右都御史吏部尙書贈世翔如其官

湖錄

王永寧字世卿號紹賓萬歷庚辰進士授臨川令行履畝法墾田定賦吏不得資緣爲奸歷南銓部左遷六安知州六安民尙鬼能以幻術障人耳目永寧窮究火其書幻遂息歷臨江太守陞廣東副使羅定土人王貴作亂設謀杜之沒齒不言功上遣嗣成字伯念萬歷庚辰進士授禮部主事陞主客司郎中十九

年帝疾遣官給祭因請慎養皇躬豫教元子疏出中而明年正月給事孟夔疏爭冊立廷杖同時諫官被斥者十一人聞之感激上言黜降刑罰非復諫之具畏法懼罪非忠義之夫敢諫者皆去則所留者必畏縮與諂佞者耳安得倣儻之士與陛下共理臣見陛下之孤立於朝廷也帝怒以出位妄言削籍歸卒年三十六天啟三年贈光祿少卿

南江文集

沈之壑烏程人萬歷壬午舉人知武平縣精明渾厚善政民碑之著武平政略

汀州府志

沈之陞字性甫號惺字萬歷於未進士授永平推官歷南工科給事改禮部主事陞員外督土建儲疏以爲國體不重自上始之上立於無疑之地而後能止人之疑上立於無議之地而後能止人之議交責君相許恭謂不負背之諫議今之禮官錮儀同回疏不爲多沈主客一疏不爲少皆邦家之光也

崇正烏程縣志

朱長春字太復號瀛海烏程人萬歷癸未進士知舒城常熟陽信  
三縣皆有聲名爲刑部主事病歸赴補力詆樞臣石星矯倭危  
國疏上削籍爲民歸隱城南溪灣閉戶著述隻字不入長安萬  
歷末詔起直言廷推兵部郎中曾學神舉之術不驗卒天啟改  
元贈光祿寺少卿

劉朝詩集小傳太復與虞  
長瑞居長鄉皆有文名

張天德字新吾號蓮濱烏程人永明子萬歷癸未進士知曲周縣  
以賢能調蕪湖擢福建道御史疏定藩封之國疏誅權宦張鯨  
疏賑江南災被諸大事皆報可許孚遠以救李三才逢上怒天  
德面折其下石者孚遠獲全巡按陝西福建並有真御史之稱  
歷湖廣石叅議脩兵湖南時值征播天德畫五要上幕府甚得  
机宜爲征苗監軍聞命即行沅州調將士統率以進襲招撫旗  
數千擇可解網者分給其黨而誓師勦怙終者破嶺崎嶇

決策先登露居辟食七晝夜凡八戰皮林悉平渠魁逃匿山谷  
天德密授方略次第擒俘拓地三千餘里未及班師疽發背猶  
與疾相視山川撤軍覈餉籌善後事宜卒贈太僕寺少卿予祭

建特祠欽賜祭章

湖錄

吳維魁字元甫號鳳麓萬歷癸未進士授德興令人多以鼠莽自  
毒毒人覈實反坐俗爲一變調績溪緩徵簡訟陞刑部郎理刑  
淮安轉辰州守苗夷錯壤咸信安之

崇正烏程縣志

沈淙字伯聲烏程人萬曆乙酉舉人知潮陽縣豁達明敏人不能  
欺糶糴汎地清核版籍縣祀名宦

潮陽縣志

王謙字子鳴號春懷萬歷己丑進士廷對擬第一太倉相抑置二甲第二授祠祭司主事督驛館革商例千餘金同列推服然爲所中京察左遷曹州遷常州別駕同考秦中專竣而疾作至雒陽驛卒崇正初刊志

朱汝器號午臺烏程人萬歷己丑進士授中書典試山西清嚴公慎還南虞部開敷衛役地出守建寧釋疑獄伍數千人遷福建副使丁艱補山西兵備改河南僉事歸鄉錄

張應斗號五衡永期孫兆元子丙子壬午兩中浙闈副貢壬辰乙

未兩登乙榜選廣西柳州司李補四川順慶司李理獄多所平反攝府篆再署邑篆率多惠政尋遷漳州別駕時爲雲霄鎮嘯聚鴟張搜穴狐鼠廉集魁置之法無一株連又漳瀕海紅夷內訌設方略俾其餘黨并牧帖然年八十有六卒

張氏家譜

凌後嘉字元漢烏程人少孤事母至孝姪義渠幼喪母撫如已子嘗言張公百忍不如一忘人歎爲名言以恩貢選太倉州佐轉

揚州衛參軍

湖廣

濟士達字去聞號完樸十七舉於鄉萬歷壬辰進士授臨江府推官力雪冤獄補禮部主事歷正郎轉廣東提學副使人不敢干以私陞江西參政署藩印一塵不染所至以心迹雙清恭明勒愼顏其署江右祀名宦

崇正烏程縣志

沈演字叔敷侍郎節甫子文定淮之弟也與文定鄉會試同舉歷官南兵工北工禮部郎出爲參議於福建於江西爲副使於山



西轉布政於福建於陝西入爲順天府尹天啟中削籍起侍郎工部陞南京刑部尙書予告歸崇禎十一年卒歷官四十年所至治理遼事殷請興復屯鹽盡天下力以強邊卽用遼以蘇天下堅左右輔以固神京屯臨清上下以護運建民堡以衛近畿通海運以佐屯收其策流寇也以爲不在調兵而在集民不在窮其往而在遏其來勦以經略不若督撫勦以督撫不若郡縣勦以郡縣不若團結鄉鎮人自爲守又謂江南地勢不足制中原扼要惟江北孫曹梁魏所爭皆在合肥徐邳宜設撫鎮宿重兵以開屯護漕倣曹操之開芍陂孫權之立濡須塢以足餉倣謝玄之堰呂梁樹柵立七埭以護運屯田旣開流入土著如水得隄其流自止今安慶設撫亦用其議也

初學集

費兆元字元禎號臺簡烏程人萬曆乙未進士授刑部主事主試關中郎秩滿出守荊州府晉廣東副使左遷南康府助婚葬發

倉廩摘伏如神增開減稅遷學宮飭新白鹿洞歷福建叅政按察使廣東山東布政晉光祿卿副都御史刑部左侍郎崇禎戊辰卒於位贈刑部尙書予祭葬祀元立身清介人不致干以私通籍四十餘年家徒四壁與蔡五岳潘青蓮並稱荅中貞廉吏

海錄

閔一范號龍池萬曆庚辰進士居家孝友持身清約兩爲縣令薨無遺金卒祀鄉賢以子夢得貴賜封

崇禎烏程縣志

閔夢得字翁次莊懿五世孫萬曆戊戌進士主南屯政權關蕪湖中貴縱役以法繩羨餘不入橐進虞部郎出爲漳郡守盜賊屏息遷憲副中蜚語去補川西少叅分守川北會重慶初復奢酋還衆議進討請以合江兵由納溪趨長寧身自率兵趨趙場獲賊捨之令招諸砦自是永寧上下皆降賊乃棄輜重遁去降人鄒惟賢胆智可任乃陽激發令取古蘭賊驚潰殲焉論功晉左

藩以副都御史撫偏沅值貴陽告急屬兵不及三千苗孽虐  
熊等攻圍印江悉以計破之晉右司馬賜尙方劒督五藩軍務  
善用人籌形勢甚熟時璫焰甚熾無頌祠坐是放歸崇正改元  
起右司馬協理戎政明賞罰核虛冒禁旅之精自此加太子太  
保疊賜金幣四疏乞身以隆禮歸歸七年卒

唐世濟字美承烏程崇孝鄉人成進士授福建寧化令邑在萬山  
中號窮悍難治在寧十餘年以廉卓授御史萬厯甲寅按淮揚  
適山東郡縣以及廬鳳等處水旱災民就食淮徐商之撫軍曰  
方苦驅之又爲法以聚之非計且安所得多金給之不可世濟  
曰義不令飢民皆死乃日夜籌畫錢穀設粥廠死者掩骼病者  
醫藥獨贖緩勸義助又修徐城開鹽河以食其壯者又疏請畱  
漕折六萬金濟之所全活數十萬人丙辰督漕戊午巡京營多  
所建白辛酉撫虔未幾陞北少司馬時璫焰初熾入都不往遂

熾旨以冠帶閒住崇正改元再起佐樞王申轉南右都御史上  
言弭寇之略以舉霍惟華臺省咸効禍不測長子元竑入都疏  
以身代竟得如部議戍邊甲申起左都御史國事日非決計歸  
年八十卒

烏青文獻

蔡善繼字伯達號五岳烏程人萬歷辛丑進士知莆田縣調香山  
行取工部主事南兵部郎中知泉州府刻蔡忠惠集葺其祠修  
萬安橋行旅戴德因肖像於忠惠祠中號二蔡祠鄭芝龍父爲  
庫吏芝龍方十歲戲投石子于署誤中善繼額欲笞之見其姿  
貌秀異釋之晉副使分巡漳南丁艱起補福寧天啟甲子陞叅  
政脩兵羅定遷文廟建石橋開放生池百廢具舉陞湖廣按察  
使轉右布政分巡襄陽魏璫祠頌滿天下鄖撫梁應澤踵其事  
襄王倡助次至善繼辭以無資應澤知其清操求文爲碑記力  
拒之應澤特疏劾其沮格未上而璫敗崇正改元轉福建左布

政時芝龍入海島爲劇盜官兵莫能制始議招撫廷臣以芝龍常有恩於芝龍令治漳泉道事芝龍卽因服就撫事定歸功巡撫三年致仕歸卒贈太僕寺正卿

湖錄

王德坤字元輿烏程人萬歷辛丑進士知益陽縣敦文教修武脩均徭役調停里甲賑恤災傷治才敏捷士民賴之行取部郎致仕民爲立生祠

益陽縣志

姚祚端字正初號世所舜牧子萬歷丁未進士知江都縣郡商鹽常例二千有奇商懼暗以金條置袖中來獻復峻却之清介著聞遷四川道御史首劾宰輔方從哲入嚴憚之出巡陝西請加解額建周子祠陞四川副使時魏瑞用事祚端與同年左光斗起原官陞太僕少卿復以忤時降調再起南太僕丞晉尙寶司丞任卒

湖錄

閔宗德字景宗號紉紉如霖曾孫萬歷丁未進士由刑部主事出

守汝寧值福藩之國宗德搜庫中羨金供應所徵租亦預敘以待問并晏然中貴無敢譁者有奸僧挾仇以民田獻藩府宗德燭其奸杖殺之以卓異陞廣東兵備副使轉河南管河叅政中州地低窪苦河患歲修之費相沿侵冒宗德躬自檢閱不積舊料不循故套費省而功加堅會邊警徵兵大吏欲召募宗德曰募者非游惰卽奸黠何可恃請發標兵二千及義勇三千星馳赴援制府從之果以先至被獎由是號知兵陞按察使治昌平調薊州時將弁驕懦防守無策宗德親執鞭弭戎服蒞事設險修隘嚴烽遠譟黃花諸鎮及一片石屹如長城以母老乞歸養改湖廣右布政不赴決計歸服闋赴補以在薊時請托不行爲崔呈秀所劾補荆南道崇正改元陞左布政當黔蜀軍興三藩就國公私匱竭爲之勾稽清理夙弊盡刷而民不擾又進三議名士劉侗譚元春黃正色輩論文講藝以勞瘁卒於官

及士民哭送者千里不絕

同上

沈棨字彥威，淳子。萬歷癸丑進士，由濟南教授遷國博，尋由工部郎虞曹改職方，贊畫軍務。旋以外艱歸，起易州兵備，單騎閱部伍，名將士中倣之。釐剔一新，時議開易州礦，棨力止之。超遷僉都御史，巡撫宣大，毀家紓難，嚴疆以全。與監軍內豎齟齬，偽撫嫚書就逮，軍民詣闕請者以萬計。謫粵東，赦歸。

康熙烏程縣志

潘喬宇，表元仲，諱孫，烏程增廣生。幼孤，母凌氏持家嚴整，訓以義方。喬天性孝友，克承母志，文章行誼冠一時。析爨後，見姪所分授產蕩廢，以己產分給之。撫之如子，有族弟被訪將逮，喬以百口保之，得免。終身未嘗言子三人，皆以孝友世其家。

乾隆湖州府志

潘曾紱，字昭慶，烏程人。祖庚，星海州同知，父名卿，孝廉。早卒。母吳淑人教之讀書，登萬歷丙辰進士，歷新蔡、商城、高陽三縣，擢兵曹。陟河南學使，崇正初遷福建副使，釐鹽政，築隄，利民。擢江西

右布政弭災禦寇百度具飭秩滿士民乞畱晉僉都御史巡撫南贛丙子秋羽書徵天下兵勤王曾紘提兵入衛獨先諸道渡江以勞成疾卒於軍賜祭葬贈兵部左侍郎

湖錄

史紀言字君右號訥吾授寧都令居官清苦值兩臺相齟齬按特薦撫竟論去甫半載歸值歲歉翰林屠某謫廣德州邀紀言授徒開講有鬻妻者憐其訣絕解橐與之子躬盛貴貤贈刑部郎祀鄉賢

崇正易程縣志

史躬盛字逢仲號存初萬歷己未進士授廣德州守遷刑部郎中多所平反崇正初疏奏魏瑞欺君悞國五罪謂漸滅廉恥剝削元氣紊亂官方魚肉生靈銷耗物力詞甚剴切奉俞旨後仕至瑞州知府

康熙烏程縣志

唐世涵字育承烏程人萬歷己未進士授崇明知縣改葺城入爲大理評事陞刑部主事出守汀州以城垣卑薄設法增築



珠門薨城移慈濟閣爲成樓又捫俸造萬安濟川二橋以利涉

民立祠祀之

湖錄

范洎字東生烏程人祭酒應期弟之子徙居吳門鑿池種竹沉酣唐人詩諷詠其清詞麗句苦吟精思寢食盡廢引洞庭吳凝父爲同調務盡刊甘醲肥厚獻醜傭僱之詞輯全唐詩千餘卷咯血卒凝父定其詩四卷而序之曰不傍古不緣今不拘律不適耦自簡練以至純粹知爲神於法者

列朝詩集小傳

董斯張字遐周份孫少負雋才善病喀喀嘔血猶伏牀枕書年未四十卒

同上

明詩綜韓人穀云先生泛覽百家旁窮一氏伐山網海洵不世之才解志居詩話遐周初學詩于趙廣業及入闕心折曹能始歸與吳允兆王亦房酬和洽聞周見與沈景傳略同詩亦相似嘗以所作按前守吳季騶季騶寓書韓求仲云在郡兩年不識有董生吳與守服可扶也近得見贈詩如飛天仙人不着一烟火字其傾倒若此

董說字若雨斯張子少補弟子員長工古文詞江左名士爭相傾

烏程縣志

卷之六

五

倒未幾罹闢禍屏跡豐草菴宗親莫覩其面以蹇自名改氏曰  
林精研五經尤邃于易丙申秋削髮靈岩時往來潯川甲子母  
亡遂不復至寓吳之夕香菴一當事屏輿從訪之聞聲避匿當  
事歎息而去

錢簡齋稿

楊時義字其行烏程人二歲而孤萬曆中歲屢飢母盛氏捐貲施  
濟家日落時義仰承母志亦疎財不苟取傭工以奉母母卒三  
年哀慟不輟聞者無不感動性剛尚氣節見人爲善輒獎勸之  
不善力止之隣有兄弟爭產將訟之官時義爲從容陳說孝弟  
之道兄弟感激復好如初

乾隆湖州府志

吳振纓字長組號儉育天啟壬戌進士授中書擢廣東道御史崇  
禎間民困於役湖民買若生輩解夏稅至京掌庫內監索厚賄  
不應遂以絹疋違式駁回二萬餘疋令照樣改造羈繫數載振  
纓抗疏以民運往返艱難乞該庫收貯原絹驗估補償中貴馬

化龍持不可因再三疏請獲俞旨全活無算後巡按淮揚會試  
賊賊陵寢以遲參巡撫楊一鵬并就逮削籍遣戍天下冤之

烏程縣志

潘士達字叔獻號青蓮天啟壬戌進士授行人使直南會安岑苗  
變遵道經其地盡方略往撫之曉以順逆利害苗皆感泣解散  
擢御史勅理七省漕務加意釐剔歲運復舊歸里起歷廷尉屬  
補儀漕分守南瑞加憲節移鎮袁州巨寇邱仰宸擁衆據羊溪  
洞遂率銳卒五千乘夜奪其險連戰兩月悉平之引疾歸甲申  
會推蘇松巡撫順治三年浙撫蕭薦其才以疾辭

同上

吳秀字越賢號平山烏程人隆慶辛未進士歷刑曹出守九江倡  
馬鬣岡築迴龍堤補揚州守排衆議築五塘淮黃議起親詣鹽  
城石磽口講求風水刷沙法爭之彊大吏謂太守免歸號匡廬  
道人祀鄉賢

乾隆湖州府志

人勿

凌義渠字駿甫烏程人天啓五年進士除行人崇正三年授禮科給事中知無不言三河知縣劉夢煒失餉銀三千責償急自縊死有司責其家義渠言以金錢殞命吏恐天下議朝廷重金意不在盜也帝特原之宜興溧陽及遂安壽昌民亂焚掠巨室義渠言魏羽林軍焚領軍張彝第高歡以爲天下事可知日者告密漸啓藩國悍宗入京越奏里閭小故叫閭聲冤僕豎侮家長下吏箝上官市僧持縉紳此春秋所謂六逆也天下所以治恃上下之分防維決裂卽九重安所藉以提挈萬靈哉義渠與溫體仁同里無所附麗給事中劉合輝劾體仁擬旨失當被貶二秋義渠言諫官不得規執政失而委申飭權於部院反得制言路大臣以攬權爲奉旨小臣以結舌爲盡職將貽國家無窮憂兵部尙書張鳳翼叙廢將陳壯猷功爲給事中劉昌所駁昌亦被斥義渠言今上下盡相蒙疆場欺蔽爲甚官方盡濫徇武

倖功爲甚中樞不職捨其大摘其細已足爲言者羞辨疏一入  
調用隨之自今奸弊叢生罪功倒置言者將杜口不納三遷兵  
科都給事中東江自毛文龍後叛者接踵義渠言東島孤懸海  
外轉餉艱向仰給朝鮮今路阻絕不得食內潰可慮居無何衆  
果憤挾師求撫義渠言請陽撫陰勦同惡必相戕及命新帥出  
海義渠言蠲渠散黨宜速速則可圖功遲則更生他釁後其語  
皆驗義渠居諫垣九年建白多吏科給事中劉安行惡之以年  
例出義渠福建叅政尋遷按察使轉山東右布政使所至有清  
操召拜南京光祿寺卿署應天尹事十六年入爲大理卿明年  
三月賊犯都城有旨召對趨赴長安門且不啓扉俄傳城陷還  
已得帝崩問負牆哀號首觸柱血被面門生勸無死義渠厲聲  
曰爾當以道義相勗何姑息爲揮使去據几端坐取生平所好  
書籍盡焚之曰無使賊手汙也旦日具緋衣拜闕作書辭父已

自繫奮身絕吭而死年五十二贈刑部尚書諡忠清

本朝賜諡忠介

明史本傳

陳光述字夢庚號二酉爲諸生時聲名籍甚舉明經爲人好施周人急唯恐不贍工音律與國博臧晉叔爲韻友

倪文正公集

陳肇英字燦石烏程人崇正辛未進士授國博歷南兵部郎中出知撫州府多強族招亡納叛肇英搏擊無所避擢副使駐九江當左帥喪師遊兵莫制肇英彈壓無敢譁者甲申正月乞歸值國亡混迹農桑卒之日無以爲檢遺中唯圖書數十卷

湖錄

嚴書開字三求號逸山崇正癸酉舉人明亡至昌平州哭陵旣歸閉門不出溧陽陳百史方柄用合肥龔芝麓同年友也折東招皆峻拒弗與通約二三素心爲問道社父叅政自粵歸病瘵之勿效疑中粵毒時寇盜充斥千里無烟度大庾無所遇恍惚聞九華山三字遂往忽異人授靈方歸進叅政病卽愈人謂去

辛丑壬寅之交鄉民遁賦爲代輸三千金撫庶弟如子援道不  
虧錙銖割產膳族姻戚賴以舉火者數十家雖遯世而於世道  
常有隱憂以三吳大水爲作蘇松杭嘉湖五郡穀粟虞乏說備  
詳治圯塘潞水道沿革利弊及義倉社倉常平廣惠預備諸倉  
講析詳核至今施行

善餘堂家乘

沈方初名士端字彥方後名方號大愚世居烏戍崇正己卯副貢  
壬午選授荆門州同知時流賊合兵四十萬由唐縣而西欲從  
間道至白馬渡臨江而陣民情洶洶方下車嚴守望勤拊循巡  
撫宋一鶴檄方贊畫會川兵二萬應調過荆門知州事者卧病  
謝事一鶴委方視州事方備糗糧躬勞之持論侃侃帥敬憚焉  
遂嚴禁部伍州民以安荆門與豫接壤歸汝陷沒乃急移書撫  
軍謂賊食盡必且以楚爲壑不可不早防賊果渡白馬破襄陽  
警報日至州城孤懸萬山中方亟聚州人議固守登堦傳蔡巡

行激勸晝夜坐臥其上賊至相持旬日斬獲千餘賊憤甚蜂擁而至力不支始破方猶率民兵巷戰連呼殺賊勢急登城樓北向稽首曰臣力竭矣賊令卒昇至南臺下欲降之方忿誓不屈卒屬十八口同日遇害十二月望前一日也

烏青文獻

潘汝嘉字會寧號約齋烏程人歲貢崇正庚辰廷試第一選刑部主事積案如山事無畱牘武弁某失運擬絞賂求減拒之陞郎中前後奏疏十七上所出冤獄如倪嘉慶等皆正人壬午八月出守池州流賊土寇勢橫羽書告急汝嘉單騎入山招撫之癸未正月左良玉率眾東下至池州降兵叛將及土寇所在蜂擁淫掠撫按不問汝嘉令隨地興土兵結山寨各出死力以衛身家設計擒其渠魁又親詣左營力陳禍福又具揭求援於兵部尙書史可法良玉兵稍葺羣寇始盡散汝嘉竟以盡瘁避疾屢任止九月卒於官

同上



溫璜初名以介字于石烏程人大學士體仁再從弟也母陸守節被旌璜久爲諸生有學行崇正十六年秋舉進士授徽州推官甫蒞任聞京師陷亟練民兵爲保障計明年南京亦覆知府秦祖襄及諸僚屬皆遁璜乃盡攝其印名士民慰諭之金聲舉兵績溪璜與犄角且轉餉給其軍而徙家屬於村民舍未幾聲敗璜嚴兵自守郡中故御史黃澍以城獻璜趨歸村舍刃其妻茅氏及長女遂自剄死

明史本傳

唐元竑字所遠年二十三舉于鄉母病刲左臂肉以進及卒號慟幾至滅性丙子父以薦舉蒙譴禍不測兼程抵都刺血書疏陳情爲首揆所阻不獲上聞目跪長安門痛哭時上任厥衛織悉必報街帖入上惻然從部議戍邊甲申聞變往普靜寺哭臨卽于是夜赴鹽官雜染至丁亥十月十一日欲往古山寺過虹橋忽躍身入水以救免力疾詣寺自此勺水不入口至十九日卒

上同

凌濛初字元房號初成烏程人稚隆子崇正中以副貢爲上海縣丞遷判徐州居房村泊河時何鸞蛟備兵淮徐慕其才名徵入幕畫勦寇十策甲申正月李自成薄徐境濛初已病誓與百姓死守曰生不能保障死當爲厲鬼殺賊言與血俱大呼而卒衆皆慟哭自死以殉者十餘人房村建祠祀之

湖錄

潘湛字朗士以祖季馴廕歷任刑部郎清介不阿時有巨盜罪當辟以金求貸湛拒之卒置於法刑曹蕭然里居睦族恤貧鄉黨重之

康熙卽程縣志

潘鼎字古臣烏程人龍翰子太學生崇正丁丑舉賢良方正以母老固辭辛巳旱蝗輸粟賑飢爲一郡倡全活甚衆性澹泊寧靜敦倫樂善卓有古風

同上

溫育仁字幼真烏程人以兄體仁廕任應天通判署溧水有惠政

邑人建祠歷官南刑部郎中  
有績推郡守引疾歸曰爲人  
謙厚砥礪廉隅不稍苟且兄  
方植國而郡五馬之榮其勇  
退有足多者

同上

閔聲字毅夫號雪簑烏程人  
珪元孫負才名將歲貢不就  
以逸民自置監司幕而請見  
辭再三乃以布衣禮見談至  
夕心憫其窮不敢發言歎曰  
琨玉秋霜不意菰蘆中有斯  
人未幾以事牽連下獄年餘  
始解晚益貧踵門求書及篆  
刻者不絕藉以餬口人愈高  
之

湖錄

溫良學字叔子號散宜烏程人  
端慤不苟言笑師事族兄寶  
忠深沉刻勵質忠殉節新安  
遂棄舉業遊名世外時當荒  
亂浮殍載道父嘗有子錢散  
隣里間悉焚其券而以田廬  
所欠者盡還之家業漸落處  
之泰然從弟濬

溫濬字其旄號履菴族兄體仁  
方柄國藉勢者爭艷之濬獨  
負笈

入棲賢山鼎革時年二十餘杜門隱影詩文清峻拔俗刻寶忠  
遺集助其孤天壤婦人皆重之同上

潘爾倬字卓人號柯仙烏程人少工文名籍甚諸生間慷慨好義  
人有緩急竭廬赴之鼎革後謝去舉業與閩薛唐大爲從弟俾  
結社吟詠喜鈔書嘗併日夜力終建旦暮年文遊零落不得  
志而卒漸錄

陳騶字開仙行健孫弱冠與艾千子張天如楊維斗輩倡明經學  
矜尚志節操選政四方奉爲科律應歲薦卒海內惜之陳騶自  
題新志

徐守綱字正公號觀瀾烏程人少孤貧游黃岡川之門聲名蔚起  
監司程檄領定安書院太守陳宏宇延爲西席甚敬禮之榜其  
室曰蓮隱懸先師像置日省錄每夜書盡所爲焚香告先師天  
改中知縣馬思理表曰篤行貞孝聘修世志世稱蓮隱先生續  
錄  
沈菽字仁枝烏程人少從朱序齋爲十問學父喪蔬食飲水不

太內者三年撫幼弟盡心教訓弟不率教必先自責而後責之  
甚至北面長跪涕泣以俟其改悔然後已序齋嘗語人曰吾爲  
經名所誤頗以文章自娛若信道力行不如仁枝之篤云河上  
韓千秋字聖開紹孫少孤事母孝博通羣籍以經濟爲己任崇正  
中賦役繁重尤苦自糧倉解蘇松常嘉湖五府歲破殷富之家  
數百戶千秋條陳官解之法知府陸自巖善其說於上臺駁議  
至數十次千秋往復詳盡不少懈至傾家之半以供諸費更四  
年議定至今五郡隱受其福

同上

嚴啓隆字爾泰號開止烏程人明末爲名諸生會鼎革幅巾野服  
杜門不見客著春秋傳註韓子編草二書兄子祇字文昭亦不  
應試不教子帖括屢空泰然手絲先儒書講切不徇無一語及  
世務

同上

韓繹祖字茂貽敬長子崇正末闕部史道隣建節淮揚徵入幕府

申申後棄家徧遊山水所交盡逸民隱士從子曾駒字人穀工古文詩妙行楷將次歲薦適改玉遂棄去同上

陳子英字俊民烏程人父光述早卒年十歲哀毀如成人母亡承生母教奮厲讀書崇正末荒疫上策於大守陸自岩多方調劑收棄嬰招流亡全活無算時舉賢良方正直指署其名以母老固辭後有司舉孝行給章服旌門雍正四年題旌從祀孝子祠

乾隆湖州府志